



119 — IMAGES ET VITAE IMPERATORUM ROMANORUM. LUGD. BAT., EX
OFF. PLANTINIANA APUD CHR. RAPHELENGIUM, 1599. 16MO. MOD. VELLUM.
WITH 107 PORTR. (COINS).

Epitome of Goltzius' large work. — (A few spots; some marg. rep.).

H/385

DUKE
UNIVERSITY
LIBRARY

Treasure Room



Digitized by the Internet Archive
in 2012 with funding from
Duke University Libraries






I M A G I N E S
ET VITÆ
IMPERATORVM
ROMANORVM:

Illæ ad vetusta numismata fideliter designatæ ; hæ ex probatissimis auctoribus depromptæ.

Addita ad singulas imagines Ausonij & aliorum Elogia Tetraſticha.



Ex Officina Plantiniana,

APVD CHRISTOPHORVM RAPHELENCIVM,
Academiæ Lugduno-Bat. Typographum.

CLIO ID RC.

1 M 4 C 1 4 2

IT TITR

IMPERIAL

ROYAL


Library

of the University of Cambridge

and the University of Oxford

and the University of London

and the University of Edinburgh



1801

1801

1801

TYPOGRAPHVS
LECTORI.

QUID tibi de hoc libello spon-
dere debeas, beneuole Lector,
abundè quidem ipse titulus indicasse
videbatur, nisi paucula hæc occurrif-
sent quorum ille non capax, & de
quibus pramoneri te oportebat.
Imagines igitur ipsæ ad bonæ fidei
nummos veteres bonæ etiam fide
quantū fieri potuit genuinè expresse
sunt: imitatione videlicet maiorum
olim ab accuratissimo Goltzio edita-
rum; quarū hæc velut epitome sunt.
nam quæ præter istas hæcenus pro-
dierunt, nō dignæ existimanda quæ
hic recenseantur; nedum ut eo quo
se præferunt nomine censeantur. Ad
Imperij à Græcis ad Francos trans-
lationem substitimus; quod statim
post eam occurrerent, quorum veras

effigies nancisci nō esset. Consultius
itaq; visum est in notabili puncto,
& velat ultro se offerente separa-
tione desinere, quā vel cum lacu-
nis, vel cum supposititiis (quod non-
nulli factitarunt) iconibus ulterius
progredi. Epigrammata adscripta,
Ausonij sunt, quatenus eius extant:
cetera à quodam nouiter adtexta,
ut facile ab Ausonianis illico dis-
cernentur, ita illorum quæ interiere
iacturam magis efficient dolendam.
Vite deprompta sunt potissimum ex
politissimi Bapt. Egnatij, aliquando
ex Th. Treterij, vel aliorum huiusce
materie scriptis: atque id eodem
iure, quo illi sua ex maiorum monu-
mentiis excerpserunt. Vale.

TV REGERE IMPERIO POPVLOS
ROMANE MEMENTO,
(HÆ TIBI ERVNT ARTES) PACIQUE
IMPONERE MOREM,
PARCERE SVBIECTIS, ET DEBEL-
LARE SVPERBOS.

I C. IULIVS CAES. DICTATOR.

P R I M V S hic perpetuam Dictaturam in-
uasit. Debellata enim intra decénium Gal-
lia, tentata tunc primum Britannia, & Ger-
manis in siluas, ac paludes suas compulsis, in
Italiam descendit: eaque solita celeritate re-
cepta, Hispaniisque pacatis, Pompeiũ Magnum
Pharsalico prælio fudit: cumque de omnibus
hostibus triumphasset, tandem amicissimorum
coniuratione oppressus, petiit ætatis anno VI,
ac quinquagesimo, dictaturæ verò initæ an. III.
Vir pacis, belli que artibus, & in primis clemen-
tia longè clarissimus, si libertatis assertor, quàm
inuasor esse maluisset.

IMPERARE MOREM
PARCERE SUBIECTIS, ET DEBEL-
LARE SUPERBOS.



*Imperium, binis fuerat sollemnē quod olim
Consulibus, Cæsar Iulius obtinuit.
Sed breue ius regni sola trieteride gestum
Perculit armata factio sua toga.*

TRIBVS ac viginti vulneribus interfecto
Cæsare, felicissimus omnium ad hanc diem
successit Octavius, ex Actia Cæsaris nepte. Vin-
dicatis enim patris interfectoris, victorque ci-
uilibus bellis omnibus, nouissimè Antonio ad
Actium nauali pugna superato, quo cum duo-
decim annos Remp. tenuerat, triumphator or-
bis totius, pacisque restitutor æternæ, per qua-
tuor ac XL. annos imperium rexit: urbemque
Romam optimis institutis, ac legibus, magnifi-
centissimisque operibus sic excoluit, vt meritò
Parens Patriæ primus, atque Augustus dicere-
tur. Obiit Nolæ septuagesimo sexto ætatis an-
no, cū LV. imperasset. Ad cuius imperij felicitatem
illud accessit, quòd seruator noster CHRIS-
TVS, iux gentium & orbis, sub eo nasci voluit:
vt quem summis animi, corporisque dotibus
principem clarissimum terris dederat, eodem
etiam generis humani parens optimus & maxi-
mus nasceretur. Huius felicitas cæteris optata
principibus.



*Ultor successorq; dehinc Octavius, idem
 Caesar, & Augustus nomine nobilior.
 Longæva, & nunquam dubiis violata potestas,
 In terris positum credidit esse deum.*



*Prenomen Tiberi nactus Nero, prima iuventa
 Tempora laudato gessit in imperio.
 Frustra dehinc solo Caprearū clausus in antro,
 Quae prodit vitiis, credit operata locus.*

IIII. C. CAESAR CALIGULA.


PRAEFUIT hic Reipub. annos quatuor, magis in Germanici patris gratiam, populo ac militibus commendatus, quam ingenio suo: primus enim à Caesarum stemmate penitus degeneravit, ut non immerito fax humani generis dictus sit: certè vox eius nefaria excepta, vnam cervicem popul. Roman. optantis, quò facilius vno ictu abscindi posset. Cassij Chærea & aliorum coniuratione ferro occubuit, annum agens xxviii. de quo sit dictum, nec meliorem ab initio principem, nec peiorem postea fuisse.

Imperium Caligulae fuit iniquissimum
et inhumane crudeliter exercitum
et inhumane crudeliter exercitum
et inhumane crudeliter exercitum



Post hunc castrensis Caligæ cognomine Cæsar
 Successit seuo sauior ingenio :
 Cadibus, incestisq; dehinc maculosus, & omni
 Crimine pollutum qui superavit animum.

NESCIAS, in hoc principe quid primùm
accuses: adeo uiccordia cum sauitia ac lu-
xuria certabant: qui fato potius, ac fortunæ lu-
dibrio ad imperium, cum latitaret extrema per-
timescens, interfecto Caligula, uenerit: quod
non minore socordia quam crudelitate per an-
nos XIII. vexarit. Quanta fuerit eius stulti-
cia, hinc aduersas. Messalina uxor potentosæ
libidinis femina C. Silio nupsit: qua uix in-
terfecta, Agrippinam Germanici fratris filiam,
nouo exemplo nouercam liberis duobus super-
induxit: & Britannico filio priuignum Neronem
anteponit: cuius insidiis, & Agrippinæ
ueneno in boleto dato perit senex, ætatis an-
no LXIII.



[Faint, illegible text, likely bleed-through from the reverse side of the page.]




*Claudius irrisa priuato in tempore vite ,
In regno specimen prodidit ingenij.
Libertina tamen, nuptarū & crimina passus,
Non faciendo nocens, sed patiendo fuit.*

FAx altera totius orbis iure à nobis dicatur, qui ex Domitio atque Agrippina natus, imperij Romani maiestatem paterna maternaque cæde polluit; libidinis adeò effrenatæ, vt matris concubitum appetiisse credatur: ipse certè sumpto flammeo nuptiali sponsalia celebrauit: scuitiæ tantæ, vt præter vrbis incendium, & vxoris Octaviæ cædem, primus Christianum sanguinem, Petro & Paulo interfectis, hauserit. Et ne quid scelerum deesset; publicè cantauit, in scenaque operam exhibuit. Tandem deficiente Galba, hostis à Senatu iudicatus, nec fortiter perire potuit, adiutus alterius adigendo ferro manu, periit ætatis anno xxxii. impetij xlii. Quinquennio sub initia omnium princeps optimus existimatus, etiam Traiani testimonio, procul distare ceteros principes à Neronis quinquennio prædicantis,



*Æneadum generis qui sextus & ultimus heres,
 Polluit & clausit Iulia sacra Nero. (vita.
 Nomina quæ pietas, tot habet quoq; crimina
 Disce ex Tranquillo quæ meminisse piget.*

NOBILISSIMA Sulpiciorum familia natus, ac per omnes dignitatis gradus ad proconsulatum Hispaniæ euectus, iam grandis natu imperium septimestre, maiore hominum ab initio fauore, quàm lato successu tenuit. Avaritia & fruitia in eo principe iuxta infames: ex quo inuisus cunctis, cum Pisonem in conflatæ inuidiæ remedium adeptasset, annos LXX, natus in medio foro à M. Othone iugulatur.




[Faint, illegible text, likely bleed-through from the reverse side of the page.]



*Spem frustrate senex, priuatus sceptrum mereri
Visus es, imperio proditus inferior.
Fama tibi melior iuueni : sed iustior ordo est,
Complacuisse dehinc, displicuisse prius.*

VIII. M. SILVIUS OTHO.

MALE partum principatum adeptus, & ad-
uersa per omnem ætatem fama, laudabili
fine clausit. Dum enim 1111. vix mense ex-
acto, Bedriacensibus campis bellum ciuile con-
tra Vicellij duces exequaretur, papillam pugione
sibi transfixit: adeo militibus carus, vt multi
ad eius exemplum, ante mortui pedes semet in-
terfecerint. Vixit annos XXXVII.



[Faint, illegible text, likely bleed-through from the reverse side of the page.]



*Æmula polluto gesturus sceptræ Neroni,
Obruitur celeri raptus Otho exitio.
Fine tamen laudandus erit ; qui morte decora
Hoc solum fecit nobile quòd periit.*

PVDET tot dedecorum : sed ad institutam
 seriem pertinet & hunc ipsum referre . Qui
 patre Lucio Vitellio, & matre longè optima na-
 tus, militari factione, dum legatus Germaniæ
 superiori præest, imperium inuasit, fœdo inge-
 nio, ventriq̃ue ac gulæ natus, &, quod vsu in
 his venit, sequitia, pat. Cæterum Vespasiano prin-
 cipe declarato, cœno, fimoq̃ue iactatus, ac fur-
 ca sub mentum posita, diu per urbem tractus, in
 scalis Gemoniis omnium ludibrio diu iacuit.
 Vita illi annorum L V I I. Imperium vix octi-
 mestræ.



*Vita sors, mors fœda tibi ; nec digne Vitelli,
 Qui fieres Caesar . sic sibi fata placent.
 Umbra tamē brevis imperij . quia pramia regni
 Sæpe indignus adit , non nisi dignus habet.*

X. FLAVIVS VESPASIANVS.

FESSAM, atque labantem Rempub. trium principum tyrannide potius, quàm imperio, Flavia gentis autor Vespasianus primus restituit. Nam per x. annos, quibus imperium rexit. singulari studio ac prouidentia rem administrauit, & ne Cæsarianum desideraretur nomen, effecit. Hierosolymis expugnatis, cum filio triumphauit. Auaritiam ne culpes in eo, & temporum calamitas, & laudabilis eius vsus facit: adeo inimicitiarum omnium princeps oblitus, vt Vitellij hostis filiam locupletissimè dotatam, splendidissimo iungeret viro: & insolescentem Mutianum, imperiiq̃ue participem agentem adhibitis familiaribus satis habuerit admonere, se quoque hominem esse. Mors eius quantam animi tranquillitatem secum afferret, ostendit; dum alleuatus inter assidentium manus, stantem ait imperatorem mori decere. Periit anno ætatis vnde septuagesimo.



*Querendi attentus, moderato commodus usu,
 Auget, nec reprimat Vespasianus opes:
 Olim qui dubiam privato in tempore famam,
 Par aliis Princeps transfudit in melius.*

XI. TITVS VESPASIANVS.

AMOREM, ac delicias humani generis Titum infesta mortalibus numina intra biennium sustulere. Huius præcipuam clementiam, ac liberalitatem, virtutesque alias eximias per totum eius principatum magis commendauit & vitæ antea actæ licentia, & sub initia luxuriæ & auaritiæ suspicio, vt Neronis tyrānidem pleriq. augurarentur. Sed mutatus adepto imperio in melius, declarauit, eiusdem esse ingenij & pessima, & optima interdum ferre. Hic Hierosolymam expugnauit; sagittandi peritissimus, & literis impensè doctus. Vox eius quandoque memorabilis audita: recordatus enim super cornam, quod nemini eo die officium contulisset: Amici, inquit, diem perdididi. Huius imperio Vesuuus conflagrauit: incendium Romæ totum triduum, & lucē fuit. Perijt ætatis anno **XXI.** in summo omnium mœrore.



*Felix imperio , felix breuitate regendi.
Expers ciuilis sanguinis, orbis amor.
Vnum dixisti moriens te crimen habere:
Sed nulli de te non tibi credidimus.*

ECOVIS Titi non doleret interitum? tali præsertim successore, qui per omnia patri, fratrique dissimilis, sæpe etiam viventibus aut contumax, aut obrectator, Neroni ac Caligulæ præior vixit; dissimulatamque malè scitiam per omnes ordines effudit? Quare nihil illi pater, fraterque, aut Cattorum, Germanorumque clades, aut bibliothecarum incensarum restitutio profuit, quin eade illustrium virorum inuisus omnibus factus, suorum tandem conspiratione post vitæ annum quintum ac quadragesimum, imperij quintum ac decimum, confossus occuberit, omniaque eius acta rescissa sint.



*Haecenus edideras domino: gens Flavia iustos:
Cur duo quae dederunt, tertius eripuit?
Vix tanti est habuisse illos: quia dona bonorum
Sunt brenia; aeternum quae nocere dolent.*

MELIORE Reipub. fato, quod aurea gibba Domitiano post cervice in somnis enata, portédit, Cocceius Nerva suscepit imperium, Parthenio id deferente: clarissimis ortus haud dubiè natalibus, ut Dion autor est, & iam senex: qui cum alias leges, cum ne mares castrarentur, edicto vetuit: summæ civilitatis & clementiæ etiam in eos, qui in illum coniurauerant. Ut optimè verò semper de omnibus meritis esse videatur, Traiani præsertim adoptione factum est, quem absentem, dum senectam suam contemni videt, Cæsarem appellavit, Homérico etiam versu ad imperium adhortatus:

Τὸ παλαιὸν ἐμὰ δ' ἄκρα σὸς ἔστι βίαις:

Imperavit anno vno, mensibus iiii. Vixit annos LXVIII.



*Proximus extincto moderatur sceptrum tyranno
Nerva senex, Princeps nomine, mente parens.
Nulla viro soboles. imitatur adoptio prolem,
Quam legisse iuvet, quam genuisse velit.*

OPTIMVS omnium Princeps, externorum primus Traianus, adoptione Nervæ imperium meruit; domi sanctus, foris adeò clarus, ut præter Daciam provinciam illatam, victo etiam eorum rege Decebalò, Pætrophs superaret, superatis regem dederit, Transilgritanas provincias imperio adiecerit, Armeniam atque Arabiam peruastaret: ut nihil omnino habuerit, in quo culpam merito possit. Amicitiarum cultor, simplicium ingeniorum, atque eruditissimorum admirator, iuris humani, diuiniq̃ cōsulatissimus: ipse à literis & Musis haud abhorrens. Huius cineres & ossa in urbem relata, cochlide columna supposita cū eius imagine, quæ superaret foro à se extracto. Quanta fuerit in eo bonitas, acclamationes principibus exhiberi solitæ declarant, cū Augusti felicitatem, bonitatem Traiani his adprecarentur. Vixit annis, LXIII. imperavit xx.



*Aggreditur regimen viridi Traianus in aeo,
Belli laude prior, cetera patris habens.
Hic quoq; prole carens, sociat sibi sorte legendi,
Quem fateare bonum, diffiteare parem.*

HIC Italicæ stirpis Ælio Adriano, Traiani consobрино Adriæ orto genitus, Plotina, ut creditur, fauente imperator est factus, ingenio sublimi, vario, literarum omnium peritissimus, sed matheſeos in primis: idem architectus, musicus, ſtatuarius, multarum denique artium magis non expertus, quàm callens Doctorem hominum nunc irriſor, & æmulus, nunc fautor, & beneficus. Diſciplinæ militaris ſcientiſſimus, in qua multa etiam correxit, principibus, qui ſecuti poſtea ſunt, ea maximè probantibus, peregrinationis adeò ſtudioſus, ut omnes fermè provincias pedibus etiam peragrans obierit. Miſerabili tandem fato conſumptus eſt, ut in ſeipſum ſæuire potuerit, ſi per domeſticos lieuiſſet. Imperauit annos xx. Vixit Lxii. Inuiſum cum fecere viri illuſtres, non pauci ſub eius exitum exilio, aut morte multati.



*Ælius hinc subijt mediis præsignis in actis.
Principia & finem fama notat grauior.
Orbus & hic, sociatq; virū documēta daturū,
Adsciti quantum præmineant genitis.*

HVIC è Transalpina Gallia paternum genus Nemaufense. Pij cognomenti causæ diuersæ traduntur. Illud mihi maximè probabile, vt à morum probitate, affectuque in Adrianum & seruatos eos, quos Adrianus interfici iusserat, id traxerit. Numæ Pompilio maximè similis. Nam per annos treis ac viginti, nullum sub eo bellum fuit. Amor ac timor gentium in eo certarunt: bellum mouere timentibus his aduersus principem, quem vt numen aliquod venerarentur: nec ille gloriæ ita cupidus, vt per aliorum damna, cadesque eam appereret. Nam & à coniuratis vim omnem abstinuit, & in conscios quæri vetuit, ne plures inuenti odium augerent: apud Lorios duodecim millibus passuum ab vrbe septuagenarius, cum M. Antoninum Philosophum adoptasset, obiit febre.



*Antoninus abhinc regimen capit. ille vocatus
 Consultusque PIVS, nomen habens meriti.
 Filius huic fato nullus : sed lege suorum
 A patria sum sit, qui reget patriam.*

QUAM læta felixque successio optimis, piis,
 philosophis imperatoribus referendis: uti-
 nam qui sequeatur, tales meritò dici possent.
 Nam hic ea ingenij bonitate, his virtutibus ex-
 celluit, ut exemplum desit: & ea temporum ca-
 lamitas affuit, ut solus ærumnis publicis obsti-
 terit. Nisi enim hic præfuisset, maiestas Romani
 nominis facilè tunc concidisset, Marcomannis,
 Quadis, Septentrione omni hinc sæuiente, inde
 Persis Orientem vastantibus, lue interim, inun-
 dationibus fluminum, locustarum vi omnia po-
 pulantibus: sed victi primum Veri principis
 (quem, nouo beneuolentiæ genere, & generum
 & imperij consortem adsciuerat) auspicio Per-
 sæ. Marcomanicum mox bellum, Christiano-
 rum etiam ope, qui tunc militabant, ex senten-
 tia per ipsius principis præsentiam confectum.
 Ad quod gerendum principalis supellex hastæ
 subiecta, cum pecunia in stipendium deesset.
 Felicissimus certè princeps, nisi heredem Com-
 modum reliquisset, post annum imperij duode-
 uigesimum, ætatis quinquagesimum nonum.



Pòst Marco tutela datur, qui scita Platonis
 Flexit ad imperium, patre Pio melior.
 Successore suo, moriens, sed Principe prauo,
 Hoc solo patria, quòd genuit, nocuit.

XVIII. L. ANNIVS VERVS.

HIC, siue à propinquo suo M. Aurelio alle-
ctus, siue cum illo ab Antonino Pio adopta-
tus, cum ipso Aurelio Imperij habenas per vnde-
cim annos tenuit. Contra Parthos profectus,
Antiochiæ & circa Armeniam agens, multa per
duces & ingentia parravit. Seleuciam Assyriæ
urbem & quadraginta hostium millia cepit.
Cum fratre eodemque socero triumphauit. Ab
urbe demum Concordia Altinum tendens, in
vehiculo apoplexia ictus, obiit, Marcoque Aure-
lio soli Imperium portò reliquit. Vir ebriosus,
temerarius, ingenij asperi & lasciui: carminum,
maximè tragicorum, studiosus.



[Faint, illegible text, possibly a library stamp or ownership mark.]



*Spem multis virtus, dum nostris cœcidit armis
 Persa ; metum multis fecerat ebrietas.
 Interea una mea satis hac est gloria fama,
 Quòd dignum imperio censuit ipse socer.*

ADOLESCENS mortuo in Germania patre, imperator omnium votis est diſus. Et quis filium Antonini reieciſſet? ille verò etiam patri non ſatis probatus, ſtatim Caligulæ, ac Neronis ſimiliſus euafit: libidine, auaritia, & crudelitate illis anteferendus. Nam in ſcena ſæpe aurigæ habitu prodiit. Ludis gladiatoris & dalmaticus præſedit, & in amphiteatro gladiator dimicauit. Athletarum etiam more publice ſe exercuit. Quæ omnia actis inſtruenda publicis curauit. Tandem Læro autore, & concubina Martia, poſt tertiumdecimum imperij annum ſtrangulatur.



Exemplum huiusmodi scripti, quod in
 manu scripto, quod in manu scripto, quod
 in manu scripto, quod in manu scripto, quod
 in manu scripto, quod in manu scripto, quod



Commodus insequitur, pugnis maculosus ha-
rena,

Threidico Princeps bella mouens gladio.
Eliso tandem persolvens gutture poenas,
Criminibus fassus matris adulterium.

IX. P. HELVIVS PERTINAX.

SUCCESSERAT haud dubiè flagitiosissimo principi princeps optimus, si non illum militaris avaritia, fatis in peius omnia trahentibus, intra octogesimum quintum imperij diem de medio sustulisset. Alba Pompeia in Liguribus huic patria, genus humilè, ac sordidum. Virtus atque innocentia summa, militiae clarus, & in ea ad summas dignitates euectus, vnde & pilæ dictus est ludus. Hic cum summam de se expectationem omnibus daret, Latè insidiis, qui imperium illi astruxerat, & militari factione, Iuliano, qui successit, non inscio, LXXI. ætatis anno perit.



*Helui, iudicio & consulto lecte senatus,
 Princeps decretis prodite, non studiis.
 Quod doluit malefida cohors, errore probato,
 Curia quòd castris cesserat Imperio.*

XXI. DIDIVS IVLIANVS.

IMPERIVM, quod per scelus necis imperatoris conscius, primus etiam licitatus esse dicitur, intra septimum mensem cum vita simul amisit: neque enim militi gratus, ob non integrum donatium datum, & populo etiam inuisus ob perfidiam in principem optimum. Quare inter vtriusque odia destitutus, Septimij Seueri iussu, qui imperatorem se appellauerat, damnatorum more necatur; vocesque in illum graves à populo saepe iactatae.



*Dij bene, quod spoliis Didius nō gaudet opimis,
 Et citò periuro pramia adempta seni.
 Tuq; Severe pater, titulū ne horresce nouantis.
 Non rapit Imperium vis tua, sed recipit.*

XXII. C. PESCENNIUS NIGER.

Anigra ceruice sic appellatus, vir mediocriter eruditus, ab exercitu Syriaco, eo fere tempore quo Seuetus in Illyrico, Imperator salutatus est. Quo nuncio accepto copias quas habere potuit confluxit, circaque Byzantium oram omnem occupauit, ut aduentanti Seuerò iter interciperet. Ceterum exercitus eius ad Cyricum fusus fugatusque est. Exercitu nouo instaurato, & apud sinum Issicum per Seuerum profligato, Niger fuga elapsus, Antiochiam peruenit. In suburbano latitans repertus, capite truncatus est: quod pilo infixum hinc inde circumferebatur. Filij eius cum matre in exilium acti, paulo post occisi; omnesque illius amici supplicio affecti fuerunt. Miles fuit optimus, tribunus singularis, dux præcipuus, legatus seuerissimus, consul insignis, domi forisque conspicuus, imperator infelix.



*Infelix virtus, & solis prouida verbis,
Fortunam in rebus, cur sequeris dominam?
Dicebat Brutus. sic me quoque cetera fortem
Fortuna extremo tempore deseruit.*

AFRICA, illa olim Imperij Romani æmula, hunc genuit Imperatorem magis necessarium, quàm utilem. Vnde etiam iactatum vulgò, aut nunquam nasci debuisse, aut nunquam mori. Nam & imperium fortiter administrauit: & sublati in Oriente Pescennio Nigro, in Galliis Clodio Albino, quem & Cæsarem dixerat, Orientem omnem Parthis, Arabibus, Adiabenis deuictis, Romanæ maiestati restituit. Arcus adhuc Romæ, victoriæ monumentum, titulis magnificētissimis visitur. Britanno tumultuantes compescuit vallo per xxxii. passuum milia à mari ad mare ducto, vbi etiam duodeuigesimo imperij anno septuagenario maior ex articulari morbo decessit. Bellicis artibus clarus: pacis, nisi scuitia ac perfidia eas inquinasset, non contemnendus. Ceterùm literarum non ignarus, matheos peritus: à Latinis nō abhorrens, nisi Punicum quid redderet. Cædibus illustrium virorum adeò infamis, vt Punicas clades in toga cæsorū ciuium Romanorum sanguine rependerit.



*Impiger egelido mouet arma seuerus ab Histro,
Ut parricide regna adimat Didio.
Punica crigo illi ; sed qui virtute probaret,
Non obflare locum, cum valet ingenium.*

XXIIII. D. CLODIVS ALBINVS.

QUANTVM huic res fortiter militiae gestae glorię contulerant, quibus Proconsulatum Britannię, & vt nonnulli volunt, etiam Cæsarianum nomen à Commodo meruerat, tantum dedecoris mors Pertinacis peperit, vnus cōscius fuisse cum Iuliano existimatus est. Eum Seuerus Consulem, imò Imperij socium in speciem adsciuit, seponens scilicet in commodiorem deturbandi occasionem. Victo enim Pescennio, primùm insidiis petiit. quibus detectis, aperta demum vi aggressus est. Multis præuiis velitationibus, tandem ad Lugdunum victus & cæsus Albinus, tertio Imperij sui anno. Caput Romam missum, patibulo affixum est: corpus laceratum in profluentem coniectum.



*Quàm tu te domino præstas, Albine, fidelem,
Magna seni augusto, perfide, causa necis,
Tam fidum pariter socium experire seuerum,
Qui vitam & cunctos eripiet titulos.*

XXV. P. SEPTIMIUS GETA.

Ex patre Seuetó, matre Iulia, Mediolani natus, post Parthicum bellum, Bassiano Principe Imperij appellato, ipse quoq. Caesaris & Antonini nomen accepit. Mortuo patre, insidiis multis à fratre (quòd cum lenitate morum à se discrepantem ferre consortem Imperij Bassianus non posset) petitus est. Tentata frustra aliquoties concordia, & diuisione inter vtrumque Imperij; cùm paratæ veneno insidiæ non procederent, in cubiculum Getæ inopinatò Bassianus irrumpens, eum supra matris pectus crudelissimè interfecit.



*Ah quàm fraternis gaudes Vrbs cedibus, ex quo
Fraternus tinxit mœnia prima cruor!
Pòst non cessarunt imitari exempla nepotes.
Tandem ego fratri victima cesaruo.*

XXVI. M. ANT. BASSIANVS CARACALLA.

VESTIS huic, quam talarem è Galliis aduectam, Romano populo donarat, cognomen addidit. Seuero patri adhuc viuenti contumax, nec minus in fratrem Getam impius, quem patre mortuo statim occiderit: militi tamen gratus, cùm ob ingens donatium his datum, tum quòd in castris gregarij penè militis vices ageret. Alexandri Magni admirator, quem collo in laeuum humerum detorto reddere cuperet. Hic orbe peragrato, Alexandrinorum dicacitatem vltus ingenti eorum cæde, Persas dolo magis, quàm virtute fudit. Sexto demum imperij anno militum dolo Carris, dum ventris oneri leuando intenderet, interficitur. XXX. ætatis anno.



*Diffimilis virtute patri, & multo magis illi
Cuius adoptiuo nomine te perhibes.
Fratris morte nocens, punitus sine cruento,
In risu populi tu Caracalla magis.*

XXVII. M. OPELIUS MACRINVS.

OBSEVRISSIMIS parētibus ortus, Mau-
rusij generis, malis artibus ac pudendis ad
præfecturam euectus, à iuris tamen scientia non
alienus, sed venali fide, ac vita semper sordida,
post interfectum Antoninum, imperium cum
Diadumeno filio formosissimo Macrinus inua-
sit: quod cū per annum & menses duos obti-
nuisset, victus ab Heliogabalo cum filio, quin-
quagenario maior fugiens obtruncatur. Data
est dictio consulenti super imperio talis:

Ω γάρ τε ἡ μάλα δέσπε νείε τέρεσι μαχηταί,
Σὺ δ' εἰς δὴν λόλυν χαλεπὸν εἰ σὲ γέγραφε ἰκάνει.



*Principis hic custos, sumitū pro Cesare ferrum
Vertit in autorem cede Macrinus iners.
Mox cum prole ruit. grauibus pulsare querelis
Cesset perfidiam : qua patitur, meruit.*

XXVIII. M. OPEL. ANT. DIADVMENIAN.

Ex Macrino & Numia Celsa natus, occiso Bassiano, ab exercitu, cum patre Opelio Macrino Imperator est appellatus; atque ipsi vel à patre, vel ab applaudente milite, Antonini nomen inditum. Puer fuit speciosissimus. Eum cum nonnulli sub necem Macrini patris seruare vellent, cubicularius quidam protulit eius epistolas, futuræ crudelitatis indices. vnde mors ipsi accelerata.



*Aut amat, aut odit miles, ceu femina : habere
 Nil medium, edocti tuq; paterq; tuus.
 Quem festis ANTONINVM paulo anté salutat
 Vocibus, hñc subitò cum patre deinde necat.*

XXIX. M. AVR. ANT. VARIUS
HELIOGABALVS.

ASSYRIVM (quis credat?) principem ne-
scio maiorine fortunæ ludibrio, an Romanæ
maiestatis fugillatione orbis hunc per duos &
amplius annos tulit, & eum incestum, si quidem
verum erat Caracallæ filium ex Scenide conso-
brina natum. Qui ex Oriëte Romam profectus,
interfecto (vt dixi) Macrino, tralat' etiam inde
Heliogabali numine ad Urbem, in summa om-
nium expectatione venit: sed illi mox omnia
in ludibrium, aut odium conuersa sunt. Nullus
enim principum ad hanc diem maiore libidinis
flagrauit infamia, vti se in muliebrem sexum ex-
secari curarit. Nullus maiore luxu opes prodegit
imperij: nullus denique contaminatius, aut im-
purius vixit: omnium religionum contemptor,
præter patrij numinis Heliogabali. Hunc tamen
in cloacam proiectum, mox in Tiberim cum
matre Scenide tractum per milites populus Ro-
manus ita vltus est, vti nomen eius ex publicis
monimentis eraderet. Vixit annos XVI.



*Tūne etiam Augusta sedis penetralia fœdas,
Antoninorum nomina falsa gerens?
Quo nunq̃ neq; turpe magis, neq; fœdus vlti
Monstrum Romano sedit in Imperio.*

MELIORE orbis fato ex Mamaea conso-
brinus Heliogabalo Alexander iam pridem
ab impura illa bellua adoptatus in imperium
successit, optimis principibus æquandus inno-
centia, in viros bonos beneuolentia, & (quæ
præcipua dos principum) singulari in omnes
clementia, vt *αἰσιμακρί* eius dicatur imperium.
Hic expeditione Persica ex animi sententia, victo
Xerxe rege, confecta, dum ad Septentrionem
vertit arma, Germanis tumultuantibus factione
militari tertio decimo Imperij, vitæ anno vnde-
trigesimo, Maximini perfidia cum matre in ten-
torio necatur. Primus post Adrianum princi-
pem, qui veræ pietatis lumen acceperit. Nam
CHRISTVM in larario suo semper habuit.
Quin illa ex sacris literis sententia frequens ei
in ore esse: Quod tibi nolis, id in alterum facere
caueas. Locum etiam Christianis adiudicauit,
quibus popinarij litem intendebant, rescribens
Deum multo melius quoquo modo coli, quam
popinariis assignari.



*Xerxis Alexandriq; iterum fatalia victus
 Sensisti regno nomina, Persa, tuo
 Et tu Romane ut Magno & cognominis heros,
 Sic quoque par fato prodicione peris.*

ALEXANDRO interfecto, successit Maxi-
 minus cum filio eiusdem nominis: Thrax
 gente, & sauitia insignis: aduersus quem, cum
 Senatus Pupienum & Balbinum imperatores
 declarasset, immanitatem hominis, ac barba-
 riam pertraxisset: ille statim in Italiam cum Ger-
 manico ac Pannonico exercitu descendit. A-
 quileiaque incassum obsessa, à militibus fame
 laborantibus cum filio necatur. Imperarunt
 ambo annos treis. pater sexagenario maior,
 filius vigesimum annum agens obiit.


Barba



*Barbarus, & nullis clarus natalibus ; armis
 Gnauus, ab armata ad sceptrum cohorte vocor:
 Sed telis melior tractandis, ista capeffo
 Duriter, & genti congener & generi.*

XXXII. C. IUL. VERVS MAXIMVS.

MAXIMINI & Calpurniæ filius, paternæ proceritatis heres, tanta fuit corporis pulcritudine, vt procaciores feminæ ex eo concipere vehementer optauerint. Animo in tantum elato, vt pedes & genua osculari sibi passus sit. Vini parcus, ciborum appetens, maximè ex siluestribus animantibus. Cultu ornatuque corporis mulieres etiam ipsas superare videbatur. Simul cum patre Imperator factus, cum eodem, anno ætatis suæ XVI. in tentorio dormiens à militibus occisus est, militari ioco cunctis clamantibus, Ex pessimo genere ne catulum quidem habendum.



*Patris solùm odio pereò, dum tollere miles
 Festinat, pravi ceu catulùm generis.
 Iam tum terrebam. sic prima atate peremtum
 Quondam etiam à Danaïs Astyanacta fe-
 runt.*

XXXIII. GORDIANVS SENIOR.

DVM Maximinus contra Germanos haud improperè rem gerit, repentè Antoninus Gordianus Africae Proconsul, ab exercitu Princeps apud Thydri oppidum absens fit. Quò ut accitus peruenit, tanquam ea re creatus foret, seditione excipitur. Ea facilè lenita, Carthaginem petit, & præmia amplum in modum ostentans, Romam legatos & literas destinat. Senatus rem probat, ac Maximinos reip. hostes declarat. Sed insurgente pro Maximinis Mauretaniae Præside Capelliano, cæsoque pro muris Carthaginiis filio Gordiani, pater suspensio vitam sibi ademit, ætatis suæ anno LXXXI. cùm Imperasset menses octodecim. Prodigiorum metu haud inane angebatur, iisque auertendis sæpius intentus esse solebat.



*Quin tu cede malis. stat ineuitabile fatum.
 Nequicquam in certo consulis exta metu.
 Aduersus decreta Poli Patientia telum
 Optimum: at obniti est cōduplicare malum.*

XXXIII. CL. PAPIENVS MAXIMVS.


SENATVS, Maximino iam hoste proclama-
to, & Gordiano in Africa cæso, Cl. Pupienum
& Gæl. Balbinum Cæsares constituit. Qui cum
plebi minus accepti viderentur, Gordianum
etiam, Gordiani ex filia nepotem, etsi adhuc
puerum simul ad fastigium Imperatorium adle-
git. ita vt tres eodem tempore Romæ Augusti
essent. Pupienus quidē, quamuis homo nouus,
per gradus tamen dignitatis satis illustris, tum
grauitate & seueritate venerabilis, vt Catoni
compararetur, contra Maximinos copias edu-
xit; atque ipsius auspiciis cæsi ij sunt. Ceterum
cum parum concordie animo cum Balbino rem-
pub. regetet, à militibus vterque in Palatio oc-
ciditur.



Deiectus de sede meis Thrax occubat ausis:
Attamen haud longū Sceptra tenere datur.
Namq; importuna referēs gravitate Catonem,
Seditione ipsa principe in arce cado.

XXXV. D. CAELIVS BALBINVS.

PUPPIENO strenuè contra Maximinos belli-
gerante, Urbis administrationem suscepit
Balbinus: vir nobilitate familiæ fortunisque &
clementia satis cognitus; vt Cæsaris hic, velut
Pupienus Catonis, moribus compararetur. Ma-
iores eius ex Hispania cum Pompeio Magno
venerant, & ciuitate donati fuerant. Horum
primus Theophanes Balbus, Romæ appellatus
Cornelius, quem Cicero defendit. Tandem au-
tem neque Pupieno seueritas, neque huic cle-
mentia profecerunt. Vtrumque milites, anno
Imperij ipsorum secundo occiderunt, & Gor-
dianum, annos natum tredecim, summæ rei præ-
fecerunt, Senatu non abuente.



*Collega grauitas, contrà clementia nobis
Obfuit : heu media non facile ire via!
Nempe ubi disciplina iacet, tam ferre, recusat
Lenes, quàm rigidos Martia turba duces.*

XXXVI. GORDIANVS I VNIO R.

OPTIMVM ac nobilissimum principem terris Dij dederant, si diu rebus illum præesse voluissent. Nobilitatem eius auus, paterque imperatores, & Scipionum stemma genti insertum; bonitatem, Romani populi, ac militum, & orbis totius in adolescentem amor attestatur. Sed cum bellum ingēs aduersus insolescentes Persas conflasset, iamque Misi thei soceri diligētia feliciter confecisset, Philippi præfecti dolo, qui socer primò, mox Princeps, interficitur. Haud tamen inulta mors optimi Principis fuit: omnes qui in illum coniurauerant, crudelibus suppliciis affecti, & Philippi non diu Imperium tenuere. Vixit annos xxii, imperauit sex.



*Deiectis solio sociis Augustus & olim
 Regni ius soli sumserat omne sibi.
 ic & solus ego, consorti utrique superstes,
 Regno ; sed ut longum tristia fata vetant.*

DVOBVS principibus, audita Gordiani morte, à Senatu creatis, Marco primum, mox eo breui absumpto, Seuero Hostiliano, qui & ipse non diu supervixit, Philippus imperium occupat: nec ei gentis humilitas obstare potuit quo minus imperaret. Nam per omnes militum gradus ob virtutem euectus, tandem præfectus Gordiano in Misitheï locû factus, optimo adolescenti insidias comparavit: eoque per dolum cæso, imperator ab exercitu dictus, Romam cum venisset, filium Philippum imperij participem declaravit. Ipse post quintum imperij annum Veronæ medio capite supra ordines dentium præciso, filius duodenarius Romæ necatur: Sub his seculares ludi magnificentissimi millesimo ab V. C. anno dati. Sunt qui à Christiana pietate non abhorruisse Philippum tradant: quorum testimonio hominis perfidia fides abroget.



*Millenos steterat victrix iam Roma per annos,
 Casareo tumidus dum sedeo in solio.
 Natalem magno celebraui festus honore.
 Hoc bene fortassis fecero; nil aliud.*

MVTATO C. Iulij Saturnini nomine in M. Iul. Philippi, à patre statim ab initio imperij ipsius Cæsar factus est. & vt regni socius, sic etiam postea mortis fuit, annum agens vita duodecesimum. Adeò ille seuerj & tristis animi, vt iam tum à quinquenni ætate, nullo prorsus cuiusquam commento ad ridendum solui potuerit; patremque ludis secularibus petulantius cachinnantem, quanquam adhuc tener, vultu notauerit auersato. Sunt qui hoc pij adfectus indicium fuisse censeant; vt quem Christianæ fidei ex animo iam tum addictum tradant,



[Faint, illegible text, likely bleed-through from the reverse side of the page.]



*Perpetua grauitate puer morose, nec ullis
Toruior ad risum pelliciende iocus,
Non rursus fortuna diu tibi prospera risit:
Sic à te partim es, partim aliunde miser.*

XXXIX. C. MESSIVS Q. DECIVS
TRAIANVS.

INVITVM, ac pene reluctantem Philippi fo-
cordia hunc imperio prafecit; haud dubiè ta-
men nobiliffimis parentibus Subaliæ inferioris
Pannoniæ vrbe natum. Nam Philippus nuncia-
ta Marini ducis, & Mœfici exercitus rebellio-
ne, cùm Decium ad comprimendos eos motus
mitteret, recusavit primò Decius: mox etiam
admonuit, non effe ex Philippi re, vt ipfe eò
contenderet. Cæterùm fatis rem ita trahenti-
bus, vt primùm prouinciam attigit, imperator
omnium cōfenfu dicitur: & interfectis (vt dixi)
Philippis, cùm aduerfus Gotthos cum filio au-
daciùs, quàm confultius pugnaret, cafus cum
toto exercitu ab his eft, corpusque paludis vo-
ragine abforptum nusquam inuentum. Hic ca-
riffimus Senatui fuit. Et qui à nobis etiam inter
optimos principes adnumerari poffet, fi iniu-
riam à Christiana pietate abftinuiffet: inquam
plus nimio Philippi etiam odio fœuit: Fabiano,
ac Cornelio Pontificibus Romanis martyrio
affectis. Vixit tamen annos L. imperauerunt
vterque biennium.



*Deuotos iterum Decios, animosâque cerne
Pectora, pro patria prompta salute mori.
Infelix virtus! Traiani Principis icon,
Sic bello, aut potius proditiōe, peris?*

XL. Q. HERENNIVS ETRVSCVS
MESSIVS DECIVS C. F.

A Patre ad Imperij administrationem, urgente
id vehementer Senatu, ceu collega, assum-
tus, ab eoque Cæsar appellatus, aduersus Gothos
in Pannoniam, vnà cum patre profectus est.
Prælio infelicitè commissio, exercituque Ro-
mano partim cæso, partim fugato, ipse in con-
flictu iaculo transfixus, primus Cæsarum hos-
tili manu percussus, interiit, Imperij, quod cum
patre administrare ceperat, nondum biennio
completo, Romanis non minus interitum duo-
rum Principum, quam cladem exercitus dolen-
ter admodum ferentibus.



*Alter ego Lausus, sed enim meliore parente,
Patri aior mortem morte tulisse mea:
Dum, siue ulturus, medios procurrit in hostes,
Siue quòd haud nato vult superesse suo.*

XLI. C. VIBIVS TREBONIANVS
GALLVS.

PATRITIORVM familia ortus, Mœsi
præses à Decio constitutus, ab ea legione Ro-
manorum quæ integra post cladem in Pannonia
à Gothis editam remanserat, Imperator, tam
quam servator reliquiarum Rom. exercitus, el-
ctus fuit. A senatu Augustus appellatus, fœdus
cum Gothis turpissimum percussit, primus p-
cem ab eis mercatus drachmis aureis ducentis.
Qui cum se formidini esse intellexissent, rup-
tæ fœdere varias provincias infestaverunt. Gall
Romæ agens, & in Christianos sæuens, C. Vol-
sianum filium consortem Imperij fecit. Ceterum
Æmiliano ab exercitu Imperatore salutato, de-
serentibus eum militibus suis, ætatis an. XLVI
cum filio interemptus est: cum regnassent ann
II. menses VIII.



Egregios rerum dominos ! ten' annua deinceps
 Autore ut soluat Roma tributa Gothis ?
 Ex illo incipiens retro sublapsa referri
 Res Romana omni est exposita opprobrio.

XLII. C. VIBIVS VOLVSIANVS.

A Patre Gallo in Imperij consortem assumptus, contra Æmilianum, qui ab exercitu obrem præclarè contra Gothos actam, Imperator electus fuerat, paternæ suæque dignitatis tuendæ causa, vnâ cum Gallo expeditionem suscepit. Conflictu prope Interamnâ in Vmbria habito, à militibus planè derelictus, vnâ cum patre interfectus est. Sola pestilentia & morbis atque ægritudinibus notus horum principatus fuit. Fautor inde eis quæsitus, quòd anxie studioseque tenuissimi cuiusque exsequias curarent.



*Dum conductio ceu iure tenetis habenas
Infami exemplo tuq; patérque tuus,
Lurida se terras pestis diffudit in omnes.
Credo auersatos fœda tributa deos.*

XLIII. ÆMILIUS ÆMILIANUS.

TRIMESTREM & hunc imperatorem Mauritania nobis dedit; virum (quod fatendum est) militiæ peritum, sed ignobilem: qui victis ad internecionem penè Gotthis, astu etiam adhibito, cum omnem prædam militi promississet, Imperator ab exercitu dicitur. Mox Valeriano ab Alpino exercitu Imperatore nobilissimo, ac Censorio viro creato, qui Æmiliano fauerant, ne ciuili bello Remp. conflictarent, Æmilianum necant, soloque ducis capite res peracta est, anno ætatis eius XL.



*Forſitan illuſtres à magno nomine, Lector,
Expectas actus Æmiliúmque decus.
Ne quicquã. ſed enim ſplendorem nominis alti,
Factâque deſtituunt, deſtituitque genus.*

XLIII. P. LICINIUS VALERIANVS.

N VLLVM Principem maiore vnquam fa-
uore orbis accepit: nullus eo calamitosior
ad hanc diem imperio præsuit: vel quòd à Sa-
pore Persarum rege victus acie, siue dolo suo-
rum, siue eius imprudentia id acciderit, nam
vtrunque traditur, miserabili captiuitate apud
eos consenuit: vel quòd Gallienum filium, post
se reliquit, qui Caligulae, ac Vitelliis similimus,
orbem terrarum penè perdidit: externis hosti-
bus adeò nobis insultantibus, vt foeminae impe-
rium in Gallieni contemptum occuparint. Tri-
ginta certè tyranni nescio Rempub. magis affli-
xerint, an aduersus hostes nostros necessarij tu-
tati sint: qui per ea tempora in prouum rem im-
perij labentem per Gallieni luxum, sustinerent.
Vixit Valerianus septuagenatio maior, impera-
uit annos x v. Vit ante imperium summis ho-
noribus functus, & in his cum summa laude, ac
virtutis opinione versatus.



*Adspicite exemplum quos Fors euexit ad alta,
Instabili nullum fidere posse dea.
Nec bona me potuit magis altū extollere: rursus
Nec mala me potuit deprimere inferius.*

XLV. P. LICINIUS GALLIENUS.

AD Valeriani calamitatem accessit Gallieni filij Imperium : qui nequissimus omnium mortalium , adeò per luxum ac socordiam imperium afflixit , ut per totum terrarum orbem grauissima externa bella senserimus . Et nisi in Galliis Occidentem A. posthumus , & Orientem in Syria Odenatus Palmirenus defendissent , imperium Rom. insurgentes vbique hostes perdidissent . Is Gallienus , cum aduersus Aureolum comparato exercitu Mediolanum vsque contendisset , Aureoli commeto iam penè victi , certè intra Mediolanum obsessi , interficitur quinquagenarius . Imperauit annis xv. cum patre septè , solus octo . Affuit huic principi (quod mireris) animi quandoque vigor , & ad se vlci scendum audacia : nec minus in eo liberalitatis effulgit , cum nihil vnquam petenti denegaret .



*Dum malè me luxu perdo, perdenda vicissim
 Hostili insultu maxima regna patent.
 omnia corruerāt: nisi inertī aliena ministrans
 Virtus, collapsam rem mihi restituat.*

XLVI. SALONINVS VALERIANVS.

LICINII Gallieni & Saloninæ filius, vel ab
Lea, vel quòd apud Solonas natus esset, Salo-
ninus vocatus; à patre in locum Cornelij Vale-
riani, filij sui, in iuuenta mortui, subrogatus est.
Nihil memorabile de illo scribitur, vt qui puer
decennalis à Gallis non tam sua, quàm patris
causa, interemptus fuerit.



*Servit aum Persæ; à variis pater hostibus,
 In variis miserè dilaceratur iners. (orîsq;
 Quid tibi tot speres puer infelicibus orbe
 Auspiciis? felix mors tibi sola datur.*

XLVII. M. CASSIVS LATIENVS
POSTVMVS.

VIR Romanus, in omni vita adeò grauis,
ut Gallienus filium suum ei instituendum
tradiderit. Quotquot suo tempore Tyranni Ro-
manum Imperium affectabant, omnes virtute
rei quæ militaris peritia facillè superauit. Cum
Gallienus luxui popinisque deditus, abiectus
contemptusque ab omnibus haberetur, hic à
Gallis cum omni exercitu, Imperator electus,
præclare se in eo munere gessit. Gallia prouincia
instaurata, & exactis Germanis, securitati pri-
stinæ restituta, cum in ea decem annis regnas-
set, Lolliani bello excipitur. quo non minus fe-
liciter fuso, suorum tumultu perit; quod fla-
gitantibus Moguntiacorum direptione, quia
Lollianum inuerant, abnuisset.



*Gallica seiungis Romano à corpore regna,
 Romani interea Principis at titulo.
 Pòst Moguntiacum dum vis subducere prada,
 Ipsa militibus sis male prada tuis.*

OSTENDERVNT & hunc terris numina
 verius, quàm cōcessere. Quippe cuius prin-
 cipatu restitui ad integrum res potuerit, nisi in-
 tra biennium fato occubuiſſet. Is enim à militi-
 bus electus, à Senatu Augustus appellatus, Got-
 thorum arma latè vagantia primus compescuit:
 naualibusque, ac terrestribus bellis eorum opes
 attriuit, vt per omnes prouincias nulla, nisi Got-
 thica mancipia essent. Alemanorum ad Bena-
 cum lacum infinita millia proſtigauit. Illud me-
 morabile, quod Græciæ vastitate, quàm Got-
 thorum arma intulerant, Athenis captis, cum
 librorum ingentem vim coaceruaſſent, de his
 comburendis Barbari iam cōſilium ceperant:
 tum vnus ex his, Abstineamus, inquit, hanc in-
 iuriam ab his codicibus, quibus Graij homines
 dum studiosus incumbunt, minus ad bella ido-
 nei sunt. Illud etiam in Claudio memorabile,
 quòd accepto imperio, cum in Senatu variarent
 ſententiæ, vtri prius bello occurreret, tyranno-
 rum, an Gotthorum: Gotthos censuit prius ag-
 grediendos: quòd hi Reipub. hostes, tyranni
 Principis essent. Præfuit biennio non integro.
 Digitis adeò fortibus fuiſſe ſcribitur, vt sæpe
 equis & mulis ictu pugni dentes excuſſerit.



Quidam mercati à castris venalibus auro;
 Quidam indepti ipsis Imperium vitiis.
 Claudius at sola belli virtute rogaq;
 Obtinuit sceptrum à milite Cesareum.

CLAVDII hic frater, post eum, consensu militum Imperator electus est: vir vnicae moderationis & ciuilitatis, æquandus fratri vel præponendus. Cùm dies septem ac decem Imperium fauente Senatu tenuisset, Aureliani Imperatoris electi nuncio exterritus, sanguine è venis emissio, obiit.



*Nec veneranda mei fratris protexit imago,
Nec mea me probitas, nec fauor ipse Patrum.
Cedo ultrò : brevis Imperij solamen id unum
Laturus, famam me meruisse Boni.*

HVNC inter Principes necessarios magis, quam bonos multi reponunt. Nam quantum illi gloriæ triumphi hostiles, & militaris peritia vendicat, tantum sæuitia domi etiam in sororis filium exercita laudis detrahit. Princeps tamen dignus, qui Claudij etiam prærogatiua Rempub. ea temporum calamitate susceperet. Barbaros enim in terra Italia vagantes, triplici prælio afflixit. Monetariorum bellum non sine ingenti cæde sedauit. Zenobiam insolescentem duplici prælio victam, & per obsidionis moras tandem fractam, in triumphum duxit. Autecolum, & tyrannorum non paucos aut interfecit, aut sibi conciliavit, Terrico vno ex his etiam Lucaniæ correctore instituto. Imperauit annis v. Domesticorum fraude inter Byzantium, & Heracleam oppressus.



*Reginam frustra optaras, Augusti, triumpho:
Elusit propria te generosa nece.
Sors nobis melior, pars spectatissima pompa
Ducta ante est currus femina victa meos,*

INTERREGNUM per septem menses Aureliano interfecto fuit: cum miles ad Senatum, Senatus ad militem prerogatiuam Imperatoris deferret eligendi: tandem patres militari consensu victi, Tacitum Augustum dixere: ex quo tantum publice gaudium fuit, ut literas Senatus ad municipia Italiae super ea re dederit. Quam vero amplissimi ordinis iudicium a militari tumultu distet, Taciti declaratio ostendit: cum incuria testati sunt neminem aut iustius, quam grauem virum, aut prudentius, quam doctum imperare posse. Verum hic tantus vir sexto, quam imperare coeperat mense, militari scelere, in Ponto periit.



Non tam Cesarei decorant me insignia sceptri,
Traxisse à magno quàm genus Historico,
Consignata adèò doctis Prudentia scriptis,
Sufficit ad famam tum sibi, tum generi.

Hic

LII. M. AN. FLORIANVS.

Hic Taciti frater, quasi hæreditarium imperium esset, intra LX. Imperij diem, tanquam ad fortunæ ludibrium, solutis sibi venis ad Probi imperantis nuncium obiit.



*Fratri te frustra heredem miser ingeris ultro,
Subnixus nullis debilis auxiliis. (ipsum
Fortuna hinc lusus, leuiter quod sumis, id
Cum vita leuiter deseris Imperium.*

NON

NON fefellit omen nominis, vt si non illi fuisset Probi nomen, cognomento hoc appellari potuerit. huic nec Taciti frater obstitit quò minus orbis totius consensu Imperator diceretur, nec generis humilitas, eum patrem Dalmatici sanguinis, & eum agrestem habuerit. Vi pacis, belli que artibus longè clarissimus. huic per sex annos, quibus imperauit, victi Sarmatæ debentur: Tyranni per hunc omnes sublatis: pauniuerso terrarum orbi restituta. Vineas Gallo & Pannonios habere permisit. Celebris vox eius excepta inuidiam peperit apud milites: neque enim necessarios amplius dicebat fore milites vbi hostes deessent: quos nusquam virtute suos futuros, mox sibi promittebat.



hic ille est, cuius gemmant tibi manere vites,
Gallia; cui libes cum tua vina bibis.
erè dat pacem, bellis Probus orbe fugatis,
Qui tribuit curis solvere corda mero.

NARBONAE genitus, vel, vt aliis placet Romæ, ibique in literis educatus, per militares gradus ascendens à Probo Præfectus Pretorio, eo interfecto, Imperator à militibus creatus est. Inito Principatu, in percussores Probi uerissimè animaduertit. Liberis suis, Carino Numeriano, Cæsaribus nuncupatis, bello Persico, quod Probus susceperat, continuando intentus (cùm Sarmaticum iam in Pannonia conuicisset, & sedecim barbarorum millia deleuiss. viginti cepisset) recepta Mesopotamia. Ctesiphontem peruenit. Persas inter se domestica ditione laborantes reperit. Castris super Tygdem positis, in maxima rei bene gerendæ expectatione, ictu fulminis interiit; cùm anno vi. & aliquot, mensibus Imperium administrass.



Omne meis regnum deberi Persidos armis,
 Prospera spem magnā principia obrulerant.
 fata obstant, adeoq; ostendo, fulmine tactus,
 Quam nihil inuitis fas sit habere diis.

LV. M. AVR. ROMVLVS NVMERIANVS.

CARI Imp. filius, Poëta & Orator celeberrimus, statua in Bibliotheca Vlpiana ex S. C. decoratus, comes patris in bello Persico fuit. Patre è viuis miserabili casu sublato, in tantum mœrorem luctumque incidit, vt oculis propter lacrymarum vim penè amissis, cum Romam ex Asia victor rediret, lætica eum deferri oportuerit. In ea sedentem, clàm Aper eius, socer, Imperij consequēdi spe adductus, interfecit: nec prius quàm cadaueris fœtore scelus detectum fuit, quod Diocletianus, itruens in Aprum, cumque confodiens, egregiè vltus est. Fuit Numerianus frugi iuuenis, ingenioq. ad omnem modestiam composito. Imperauit Numerianus cum patre & fratre, annum vnum & aliquot menses.



ui dederant uni, bellandi Marspiter artem,
 Eloquium Pallas, doctus Apollo lyram;
 se mea vindex, foetente cadauere, mortis,
 Et scelus, & vafras spes retego soceri.

ALTER Cari Imp. filius, à patre contra Per-
sas proficiscente, cum totum ferè Occiden-
tem in administrationem suscepisset, tam enor-
mibus vitiis, ingentiq̃ue scelerum eius audita
non esse suum filium proclamauerit, & si super-
uixisset, nomine Cæsaris illi abrogato, in eius
locum Constantium subrogare cogitauerit. Post
patris & fratris interitum, etiam liberius insa-
niit. Vxores ducendo & reiiciendo, nouem ha-
buit: prægnautes expulit. Mimis, meretricibus
lenonibus, & id genus hominum monstros Pa-
latium impleuit. Matrimonia nobilium corru-
pit. Quare & eius præcipuè Tribuni dextera
cuius dicebatur coniugem polluisse, trucidatu
est: posteaquam cum patre & fratre solusq̃
duobus annis Imperio præfuisset. Alij malunt
ultima pugna contra Diocletianum ad Mu-
cium commissâ, occubuisse.



virtutum ornarant quod donis Numina fra-
 Tot contrà infamis iste scatet vitiis. (trem,
 tu bene, magnanimo Imperij qui dedecus ausu
 Interimis, lecti dedecus atque tui.

Is Salonis ortus, libertini etiam sanguinis
 cum molem imperij grauiorem animaduert
 teret, quàm vt vnus esse vniuersæ par posset
 Maximianum Augustum creat: amboque du
 sibi Cæsares, Galetium, Armentarium cognomi
 ne, & Constantium Constantini Magni patren
 dicunt. Sicque singulis diuersis partibus aduigi
 lantibus, pacato orbe post annorum imperium
 xx. Diocletianus Nicomediæ, Maximianu
 Mediolani imperium eodem die deposuere. Dic
 cletianus certe constantius in proposito mansit
 Nam per decem annos quot priuatus Salon
 superfuit, hortorum amœnitati vacans, iterum
 ad imperium sollicitatus, à priuata vita abduc
 non potuit, testatus nullos sibi vnquam sole
 latiores affulisse. Obiit autem duodecogint
 natus annos, vel alienatione mentis, vel vene
 no hausto, veritus Licinium, ac Constantium
 qui illum tanquam Maxentij fautorem graui
 ter increpuerant. Princeps sanè optimis aquan
 dus, si à piorum sanguine abstinuisset.



*Induperatorum nomen gessere priores,
 Reuera propriū mancipia ingenij,
 Ast ego magnanimè imperij cū sceptris reliqui,
 Ostendi, imperium me tenuisse mei.*

L VIII. MAXIMIANVS HERCVLIVS.

PANNONIAE Syrmio, vbi pater eius opera exercuit mercenaria, oriundus, à Diocletiano consors Imperij adscitus, probè in omnibus ei obtemperauit: vir aliquin ferus, stolidus. Tumultus in Gallis mira celeritate compressit. in Africa Gentianos deuicit. Bellis nouis insurgentibus, iste Constantium Chlorum, Diocletianus verò Galerium Cæsares fecerunt, & præter adoptionem, etiam affinitate iunxerunt. Rebus vndique compositis, post annorum xx. Imperium, cum vir cruentissimus Christianos multos impiè trucidasset, Principatum Mediolani, vbi Diocletianus Nicomeniæ, deposuit. cuius eum rei paulo post pœnituit. Nam audiens filium suum Maxentium à Prætorianis Imperatorem electum, è Lucania, in qua sedem priuatus elegerat, spe resumendi Imperij, ad Urbem se contulit, simulans filio fore auxilio. Tumultu militari excitato excessit. In Gallias profectus, genero Constantino insidias parauit, vt eum Imperio quod istic obtinebat, deturbaret. Sed per Faustam uxorem, quæ patri maritum prætulit, detecta sunt. Dum Constantinus apud Massiliam obsecsum viuum cepit, & fractis laqueo ceruicibus occidi iussit, anno ætatis sexagesimo.



*Aut nunquã mihi summa fuit ponenda pote-
Aut posita illa semel nõ repetẽda fuit. (stas,
Hoc nisi peccassem, collega cetera compar,
Fortẽ etiam fama & morte futurus eram.*

LIX. CONSTANTIVS CHLORVS.

Ex patre Eutropio nobili Romano, matre Claudia, Claudij Aug. filia genitus, propter spectatam virtutem à Maximiano & Diocletiano, vnà cum Galerio Cæsar creatus fuit. Ceterum cum illi sponte Imperio requeantiaissent, cum Galerio prouinciarum administrandarum curam partitus licet ei Galliæ, Hispaniæ, Italiæque cum tota Africa obtigisset, cum se vnum tanto oneri ferendo imparem videret, Galliarum tantum administrationem suscepit. Eam, Germanis Francisque profligatis, bonis legibus optimisque institutis rexit. Britanniam subiugauit. Princeps benignus ac facilis. Diuitiarum spreto, & paucis contentus, fictilibus vasis utebatur; argentea, vt abacum exornaret, ab amicis interdum mutuo accipiebat. Anno Imperij xiii. Eboraci in Britannia morbo consumtus occubuit, relictis liberis, ex Helena Constantino Magno, ex Theodora verò Maximiani priuigna, Anaballiano, Constantio patre Iuliani, ac Constantia Licinij Imp. vxore.



*Fictilibus mihi posse uti moderatio suasit;
Pauperies priscos dura coëgit auos (cerent,
Hoc mea laus maior: quòd cùm mihi cuncta li-
Quàm minimum volui collubuisse tamen.*

LX. GALERIVS MAXIMIANVS.

IN Dacia Ripensi parentibus agrariis ortus, ex pastore ouium, vnde cognomen Armentarij traxerat, miles adeò strenuus euaserat, vt à Diocletiano adoptatus & Cæsar factus sit. Ad Orientem pacandum, contra Narseum profectus, primùm infelicitè, deinde prosperè pugnauit. Augustus factus, Seuerum & Maximinum Cæsares adoptauit; Seuerò mortuo, Licinium ei successorem dedit. Romani contra Maxentium cùm mouisset, defectione militum cognita, in Illyriam rediit. Homo sanguinarius, & Christianorum persecutor crudelissimùs, simulacrorum cultui deditissimus, deliciis & luxu diffuens; rei militaris gloria alioquin illustris. Ulcere ipsi inguinibus innato, virilia exedente, vermibus vndique erumpentibus, vitæ tædio vim sibi gladio intulit.



*Illic ex his membris genitalibus, ultro
 Me lenta impavidus eximo morte breui.
 Id multi culpae, alij laudare. Catonis
 De facto dubium sic quoque iudicium est.*

MAGIS seueritate, quam exercuit in Chri-
tianos, quàm generis nobilitate, aut rerum
bene gestarum gloria notus, à Galerio vnà cum
Maximino Cæsar dictus, Africæ Italiæque præ-
fuit. Interea in Vrbe Prætoriani Maxentium,
Herculij filium, per seditionem Imperatorem
crearūt. Contra eum Seuerus cum exercitu pro-
fectus, Romam cinxit obsidione. Sed à militibus
paulo post desertus, in Illyricum fugere co-
actus est. Rauennæ demum captus, à militibus
quos ipsum insequuturos Maxentius miserat,
miserè interfectus est, anno Imperij secundo.



*Obsessam nostro sperabam milite Romam
 Iam iam vêturam supplicē ad obsequium.
 ed fideiq₃ speiq₃ nimis confisus inani,
 Deseror, & fœdè prodius intereo.*

A^B auunculo Galerio vnà cū Seuerō adoptatus, Cæsar quadriēnio, dehinc per Orientem Augustus triennio fuit. Cū esset oriū atq; instituto pastotali, animo tamen & moribus nihil agrestē præ se tulit, amator literarum & sapientiæ, ingenio miti & quieto. Vini tamen audior; quo inflammatus iubebat quædam asperius: & cū eum sapius facti pœniteret; deinceps in sobrium matutinūque tempus omni differebat. In Oriente contra Christianos maxime deseuit. Cū aduersus Licinium, res nouas moliretur, rupto fœdere, cum filiis, quos iam socios Imperij assumserat, oppressus est exercitu partim deletō, partim fugatō. Ipse, abiectis Imperij insignibus, fugitiuus se turbis colonorum immiscens, in agrolatuit, & ne viuus caperetur, se strangulauit Tarsi.



*Ciuis vita, quantumuis rusticus ortu,
 Tantum Christicolis acrior hostis erat.
 Hoc pulcrum, quod cum paulo vinosior esset,
 Vix aliquod tamen haud sobrius egit opus.*

FILIVS, seu supposititius, Herculij, à Prætorianis, non inuito Senatu, Imperator creatus, Seuerum occidit, & Galerium etiam Italia exegit. Vir crudelis, magicæ arti deditissimus, in libidinem effrenis. Carthaginem & Africæ pulciora, quòd illi obstitissent, vastari, diripi, incendi que iussit. Sed atrocior indies, odio haberi ceptus est. Quamobrem Constantinus clanculum à quibusdam euocatus, contra tyrannum Romam venit. Maxentius millia ferme nouem ab vrbe progressus, dum cæsa acie fugiens se reciperet, insidiis quas hosti apud pōtem Miluium locauerat, in transgressu Tyberis interceptus est, tyrannidis anno sexto.



Post deuastatas celsæ Carthaginis arces,
 Post facta imperio multa nefanda meo,
 Romanæ tandem haud procul ipse à mœnibus
 Quas alij posui corruo in insidijs. Orbis

LXIII. M. IUL. LICINIVS.

LICINIO Dacia natale solum fuit, in Seueri demortui locum à Galerio allectus, consortem Maximinum Imperio exturbauit. Militaris disciplinæ ad veterem normam seuerissimus exactor. Rusticis & agrariis hominibus (ex eo enim genere fluxerat.) æquus: auaritiæ & Veneris studio infamis, moribus planè barbaris: & literis adeò infestus, vt virus ac pestem publicam eas appellaret. sed cur eas non odisset, quantum adeò expers erat, vt ne decretis quidè subscribere posset? Illud in eo non reprehendas, quòd spadonum, aulicorumque insolentiam mirè compescuit, tineas, soricesque palatinos appellans. Hunc Constantinus nouas res mollientem, primùm in Pannoniæ campis fudit: mox reparantem vires incredibili celeritate ex Europa in Asiam expulit: maleque reconciliata iterum gratia per Constantini sororem Constantiam, quæ illi vxor erat: cùm rebelles animos homo vecors retineret, etiam contra sacramenti fidem Thessalonici interfici iussus est. Imperauit annos **XIIII**. sexagenario maior, Christianis infestissimus. Vnde illi discordiarum semina aduersus Constantinum acriora.



*A socio terraq; mariq; Antonius alter,
 Vincor, & Imperij hinc exuor omne detus.
 Quin iam priuatus, cōtra data foedera dextra
 Occidor. Regni rara fides sociis.*

OFFICIO RVM antea magister, obscuri nominis homo, à Licinio Constantinum fugiente, Byzantiumque perueniente, Cæsar creatus, & dignitatem & vitam breui amisit. Nam cum Licinio Thessalonicae captus, vnà cum eo, iussu Constantini, à militibus interfectus est.



*Cara nimis, cū vitā emitur suprema potestas,
Vel si etiam longi temporis illa datur.
Aſt ego Caſarij tantū pro nominis umbra
Infelix vita perſolui precium.*

LXVI. M. FL. CONSTANTINVS MAGNVS.

Ex Helena Constantij vxore susceptus, & cæ-
 teris fratribus ob egregiam indolem, cum illi
 segnitiam præ se ferrent, patris etiam testamen-
 to prælatus, mortuo eo Gallias, Hispaniasque,
 & Cottias Alpes obtinuit. Tertio Imperij anno
 accersitus in Italiam ab iis, qui Maxentij tyran-
 nidem ferre non poterant, biennio totam Ita-
 liam, urbemque Romam pristina maiestati as-
 setuit, Maxentio Tyberinis gurgitibus absorpto.
 Inde abnegato idolorum cultu, Christianam pu-
 ritatem ita amplexus est, ut præter egregia dona
 diuorum nostrorum templis illata, CHRISTVM
 ab omnibus colendum præceperit, templaque
 illi, & aliis numinibus crexerit. Bella contra
 Barbaros multâ felicissimè confecit: vnde pri-
 mus Romanorum principum Magni cognomen-
 tum tulit. Byzantium instaurauit, impera-
 toriamque urbem & nouam Romam appellari
 voluit. Moriens & Constantinopoli sepultus,
 treis liberos, & Dalmatium fratris filium suc-
 cessores reliquit, xxx. & amplius annos impe-
 rans, tredecim verò ex his solus. De eo sic me-
 moriæ proditum, decem primos annos ut præ-
 stantissimus dicetur, xii. sequentibus latro,
 decem nouissimis pupillus ob immodicas largi-
 tiones.



Omnes hîc istâ sub imagine cerne tyrannos,
 Christi ni cuncta hæc eluat una Fides.
 Quid plura? is verè est feliciter impius vxo
 Audire Heroëm cui datur à merito,

LXVII. IULIVS CRISPVS.

CONSTANTINI Magni ex Mineruina filius, à patre Cæsar appellatus, ea fuit corporis pulcritudine venustateque præditus, vt eius amore Fausta Constantini vxor vehementer inflammata, sæpius eum ad libidinem sollicitauerit. Qui cum ille assentiri nollet, Fausta amorem in odium commutans, eum tanquam pudicitiam suam expugnare volentem, ad maritum detulit. Constantinus fidem vxori adhibens, Crispum ad Polam Histriæ opidum interfici iussit. Ceterum vbi innocentiam filij & vxoris fraudem cognouit, hanc, Helenæ matris instinctu, quæ nepotis mortem innoxiam grauitet admodum ferebat, in ardens balneum iniici mandauit.



*extinxit iuuenem furor & fraus dira nouerca.
Hippolytum, rigidi credulitasque patris.
Rides? & ratum figmenta poetica censes?
Hic verum, Lector, conspicis Hippolytum.*

LXVIII. CONSTANTIN. MAGNI F.

CONSTANTINI filij Imperium, quod per manus à patre acceperunt, ita partiti sunt, ut Constantinus maximus natu Gallias, Hispanias Britanniamque Insulam obtineret, Constantius Italia cum Illyrico, & Græcia cederet, Byzantium & Oriens Constantij esset, qui Dalmatium socium Imperij haberet: quem haud multo post dolo exceptum militaris actione oppressit, cum annos treis Imperasset. Nec duravit diu fratrum concordia: siquidem in nefarium bellum rapti fratres: nam Constantinus Gallice exercitu fretus, Constanti fratri bellum intulit, quod dum cupidius, quam cautius gerit, ad Aquileiam exceptus insidiis nondum triennio finito, vulneribus confectus perit.



*Fraternis inhians regnis per fasq; nefasq;
Et vita & regno decedit ipse suo.
sic pereat quisquis iniuste aliena requirens,
Contentus propriis nesciat esse bonis.*

FRATRIS hic victor, cum non sine labore
prouincias transalpinas in potestatem rede-
gisset, egit primum optimum principem: mox
aduersa valetudine, siue rerum felicitate muta-
tus, ingratus omnibus esse coepit. Donec & ipse
Magnentij dolo dormiens intra tentorium, ac
Helenam oppidum oppressus est, cum Imperas-
set annos **XI I**, vixisset paulo plus **XXX**.



*Quid faciat? magnis certè virtutibus auctus
Eximium poterat promeruisse decus.
Periculosum morbus, aliisq; sibiq; molestum.
Effecit, causas insidiisq; dedit.*

CAEDDEM fratris ulturus, ingenti exercitu
aduersus Magnesium comparato, ingen-
illum praelio & memorabili, ad Murtium fudit,
quo Romani vires Imperij penè concidere, LII
millibus vtrique desideratis. Gallum inde à
antea dictum Cæsarem ferocientem, & insole-
scientem supra Cæsaris nomen, interfecit: & con-
tra Persas infelicitè confligit militum suorum
stultitia. Quibus ad sua abeuntibus, quæ Massi-
getæ vastabant, dum Romam inuisit, Iulianus
Galli fratrem, treis & viginti annos ætatis age-
tem, Cæsarem à se factum, in Gallias aduersus
Alemannos eas vastantes misit: Ipse in Persi-
am iterum contendens, dum ægrè ferret Iulianum
à militibus Augustum esse dictum, apud Mo-
psucrenen iuxta Tauri montis radices æstua-
ntissima febre decessit. Vixit annos XL. Imp-
rauit XXIIII.




*Fraterna cadis Constantius inclytus ultor
 Cum Persis gessi plurima bella diu:
 Sorte quidem hoc varia: verum plura ardida
 Cepta mihi cursu prapedit in medio. (febris*

OBSCVRIS in Gallia parentibus natus, à Constante enutritus, in tantumque ob virtutem bellicam ab eo adamat^{us} fuit, vt exor^{to} in Illyriis tumultu, cum iamiam à militibus occidendus esset, Imperator eum paludamento obtexerit, atque seruauerit. Grati^{tu}dinis loco, quam suo seruatori debebat, Constanti dolos rependit; eo^{que} interfecto Imperium vsurpauit. Veniens in Italiam cum exercitu, Mediolani fratrem suum Decentium Cæsarem fecit: quem trans Alpes, ad tutandas Gallias misit. Ipse cum Constantio, qui fratris cædem vl^{ci}sc^{ebatur}, ad Murciam cōgressus, magna clade superatus est. Collectis exercitus reliquiis, cum pacis conditiones frustra per legatos tentasset, & Ducis tantum titulum petiisset, iterum cum Constantio conflixit. Victus Lugdunum aufugit. Vbi gladio transosso latete, istum pulsu parietis iuuans, mense Imperij XLII. ætatis anno quinquagesimo expirauit. Vir legendi studio promptus, sermonis acer, animi tumidi, & immodicè timidi: artifex tamen ad occultandam audaciae specie formidinem.



Summo Imperij titulos, Constante perempto.
 Actutum ultorem sed scelus istud habet.
 Vimirum ipse mihi, instigante cupidine scripti,
 Quasi sui exitium Principis exitio.

MAGNENTIIS frater, vel ob rerum cum
laude gestarum paucitatem, vel ob tempo-
ris, quo ad eum dignitatis gradum vocatus fuit
breuitatem, nihil habet in vita memorabile. Me-
diolani à fratre Cæsar creatus, ad tuendas Gai-
lias cum exercitu trans Alpes missus est. Simu-
vt nuncium accepit de miserabili fratris interi-
tu, partim vitæ huius tædio, partim metu, ne in
manus eorum qui à partibus Constantij sta-
bant, perueniret, laqueo fasciæ ad collum posito
semetipsum apud Sennonas strangulauit.



*Fortunam, toties bello quam frater iniquam
Sensit, frustra iterum sollicitare velim.
Quin moriar. certè hoc meritum mihi debeat
Illi me facilem sponte dedisse viam. (hostis,*

LXXIII. FL. CL. IULIANVS.

CONSTANTIO extincto, Iuliano facile cuncta cessere Puer hic ingenio sublimi, calido, & literarum ardentissimo, Gallias sub primum accessum præter omnium spem, Alemanorum incursum vastatas asseruit, regemque eorum cepit: inde Augustus à militibus salutus. Parisiis, mortuo (vt dixi) Constantio, aduersus quem bellum ciuile parabat, Persis, adepto Imperio, bellum indixit: vbi dum inconsultius agit Persæ viri dolo in desertâ cum exercitu ductus conto traiectus perit. Sunt qui sagitta è cœlo missa vulneratum dicant. Vnde in nefariam vocem erumpens, Vicisti Galilæe (sic enim Christum appellabat) occubuerit. Christianos impio quodam odio adeò insectatus, vt studia, & militiam hisce interdixit: plerisque præmiis, & illecebris, quasi machinis à vera pietate auerterit. Quinetiam Imperator (ita Deo visum) aduersus nos libros edidit: Ille verò si ingenium indolemque egregiam ad verâ pietatem, quæ puer imbiberat, conuertisset, inter egregios principes adnumerari potuit: decessit annos æger alterum & trigesium. Solus annum vnum menses treis imperauit.



Omnes hîc unâ heros sub imagine cerne,
 Vnum commaculet ni malè cuncta nefas.
 Is verò infauftum est virtutibus inclytus, uno
 Qui tantum infamis dicitur à scelere.

HVIC Varronianus pater, Pannonia patria,
statura proceræ, ingenij amœni, nec à liberis
abhorrentis: qui à militibus primò Imperator
salutatus, deceptis similitudine nominis, quasi
Iulianus reuixisset, cum Persis, quòd commea-
tus deficerent, consumtis aliquot diebus, pacem
magis necessariam, quàm honestam. Translrigi-
tanis prouinciis quinque amissis, inuit. Accessit
nouæ ignominie dedecus grauius: vetitus Im-
perator Roman. Arsaci socio opem ferre. Perit
octauo Imperij mense Dadastanis oppido, dum
cubiculū ingreditur noui testorij, prunis etiam
ardentibus, siue, vt alij, stomachi cruditate,
XXXIII. ætatis anno.



*Cum me dura fames premeret, non arma; nec
Verum aliter fuerat expedienda via. (armis,
Quare non victus à non victore redemi
Effugium. haud vinci vincere namq₃ reor.*

DEDIT & hos Pannonia principes Gratiano patre ortos: primū Valentīnīanum ab exercitu Nicæ, inde Valens ab eo Augustus, imperiique confors dictus: qui Procopium temere imperium inuadentem, Constantinopoli oppressere. Inde Gotthi, & barbaræ nationes à Valentiniāno Thracia exturbatæ, Septentrioq. omnis cum Saxonibus ad officium eiusdē opera redacti. Burgundionum Lxxx. millia cæsa. Parthi è Syria per legatos electi. Inquieta Germania Theodosij maioris auspiciis pacata. Ipse dum Quadorum legationem latrocinia excusantem audit, subito morbo venis arefactis, ut sanguis mitti nunquam potuerit, obiit Gratiano filio prius August. appellatione donato, imperij accepti anno xi. mense viii. die xx. vitæ lv. Vir vultu decens, politioribus studiis deditissimus.



*Quod summè fuerim studiis addictus amaris
 Fortean imbellem Martia ad acta putes.
 Non equidem. Burgundionum testabere contrà
 Victa acies, contrà Saxoniceq; manus.*

Post fratris interitum, Arrianæ factionis fautor, dum aduersus Scythas & Gotthos prælium ferocius, quam cautius ciet, victus ab his acie, vitam, imperiumque amisit, igne intra tugurium, in quod confugerat, iniecto. Digni imperio fratres, & inter bonos referendi, nisi Valens Arriano delirio virtutes egregias inquinasset.



*Speravam superesse mea post praelia cladi:
Sed nimis hostilis vrsit ubique furor,
Incenditq; casam, profugum qua exceperat. ista
Insimul & mortem contulit atque rogi.*

HAUD sanè improbandum principem numina terris dederant, si quantum literis & militari disciplina vacabat, ac venationibus, tantum curæ ad rempub. cognoscendam impendisset. Nam pietate in suos egregius, Valentinianum adhuc puerum Aug. dixit, patre, patruoque extinctis. Mox Theodosium Hispanum confor-tem imperij adsciuit. Apud Argentarium opidum Galliar, triginta Alamannorum millia extinxit. Verùm dum spicula tantùm, & arcus meditatatur, dum Alanum militem Romano præfert, Maximi ducis insidiis circumuentus periit, cum Imperasset cum patre annos octo, cum patruo treis, cum Theodosio IIII.



*Terdena auspiciis Alamannum millia nostris
Casa, mei eximiam spem specimenq, dabant.
Verum exinde satellitio confisus Alano,
Romanis cepi displicuisse meis.*

Ex prosapia Constantini Magni oriundus, vir peritia rei militaris clarus, Romani exercitus dux strenuus, ab eodem in Britannia, quòd Gratianus militibus inuisum se reddidisset, imperator electus, Gallias ex improviso adortus est. Gratiano per insidias oppresso, ingenti cum exercitu in Italiam properauit, cupiens Romam in suam potestatem redigere. Id metuens Valentinianus iunior, de obitu Gratiani fratris certior factus, cum matre Iustina Constantinopolim profugit, & generi sui Theodosij opem auxiliumque implorauit. Is insperatò per Alpes inuias, Aquileiam, vbi tunc Maximus degebat, cum exercitu veniens, Maximum à militibus captum, vinctum, sibi que traditum, interfecit.



Opportuna dolis incuria Principis inde
 Planum iter ad sedem fecerat Imperij:
 Hinc verò alterius virtus præclara fidesq;
 Factum & tentatum punit utrumq; nefas.

LXXIX. VALENTINIANVS IVNIOR.

VALENTINIANI Imperatoris ex Iustina filius, à Gratiano fratre, consors Imperij factus, in Italiamque missus est. Gratiano dolis Maximi interfecto, sibi metuens, in Illyricum primo, deinde in Oriëtem ad Theodosium confugit. Cuius ope, Maximo sublato, non modò fratris necem ultus, sed & Imperij quietem adoptus est. Iustinæ matris instinctu Adrianam perfidiam amplexus, multa contra Christianos molitus est, frustra cum dehortante Theodosio. Ex Italia in Galliam profectus, Victorem Maximi filium, quem pater copiis ibi præfecerat, interemit. cumque Vlenus negligentius moraretur, ab Eugenio, olim quidem Grammatico, postea verò Tribuno, Arbogasti Alanorum præfecti fraude pecuniaque corrupto, noctu in cubiculo clam strangulatus est: rumorque sparsus eum sibi mortem voluntariam consciuisse.

Handwritten text, likely a library or ownership stamp, mostly illegible due to fading and bleed-through.



*sic fuit in fatis. euasi ubi fortè priorem,
Protinus excipior proditione noua.
Solatur tamen hoc : sceleri primoq₃ fuisse
Vindicem, & ultorem mox habiturū aliud.*

Hic Honorio patre, & matre Termantia, haud dubiè inter optimos Principes adnumeretur: quippe qui Remp. Gotthicis armis penè oppressam, accitus ex Hispania (quæ illi patria) à Gratiano, restituerit, Maximum tyrannum & Andragatium præfectum eius subito incurfu victos occiderit; Valentiniano Imperium affetuerit; mox Eugenium tyrannum in Valentiniani ultionem sustulerit, non sine Numinis manifesto iudicio: cum multo minoribus enim copiis illi cōgressus, militante illi æthere, & coniuratis in eius auxilium ventis, vt poëta eleganter cecinit, victoriam insignem adeptus est. Fuit autem hic Princeps moribus & corpore Traiano principi similis: summa in eo clementia, incredibilis in suos pietas, rei militaris disciplina sagax, nec à literis alienus, simplicium ingeniorum admirator: pietatis nostræ adeò obseruator vt summa ciuilitate ab Ambrosio antistite castigatum se, adytisq̃ne prohibitum tulerit. Obiit Mediolani ætatis anno L. imperij XI.



*Euecti ad quauis simus fastigia rerum,
In supera tamen est altior arce Deus.
Eius tu Princeps colis inclyte maiestatem:
O verè donum Principis aetherei!*

ARCADIUM & Honorium, pueros Theodosius viuens, imperij consortes fecerat: & moriens, quando ætas rerum moli non responderet, treis imperij tutores testamento sanxerat. Arcadio Rufinum, Honorio Stiliconem commendans. Africæ verò Gildonem præesse voluit. Prior Rufinus, dum Gotthica sollicitat arma, vt imperium metu ab Arcadio extorqueret, perfidiæ pœnas dedit: pari que pœna Caianus Rufini sceleris popularis afficitur: inde mox Arcadius, cum Byzanti, regnasset annos fere XIII. obiit, Theodosio filio relicto. Socordis ingenij Princeps, nec quicquam omnino paternæ auitæque virtutis referens, Eudoxiæ vxori addictus cum multa alia improbè fecit, tum Chrysostomum Antistitem in exilium misit.



*Indignum heredem ! Pietate excellit & armis
 Decessor: similis tu pecori Arcadico es.
 Auriloquo exitium mandas, uxorie, Patri:
 Contrà ille obsequium prastitit Ambrosio.*

MAIOR rerum moles Honorium Romæ Agentem accepit: qui rebellantem Gildonem cum Mascezelis fratris ductu superasset: eundem quoq. Mascezelem rebellem expertus, Bonifacij ductu vicit. At Stiliconis perfidia eo perniciosior, quò occultior fuit. Nam magno nostro dedecore cum Gotthi Italiam vastassent, urbemque Romam cepissent, astu Stiliconis rem adiuuante, tandem re ab Honorio cognita, Stilico cum filio sublatus est, qui genere Vandilus, & militaris disciplinæ scientissimus, Honorij etiam socer, si quam operam in perdendo ad Fefulas Radagaso cum ducentis Gotthorum milibus præstiterat, in asserendo Imperio præstitisset: nec Romam Alaricus Gotthorum Rex unquam cepisset, nec orbem totum cladibus assiduus inuoluisset. Decessit autem Romæ, cum annos duos & xxx. Imperasset. Et ille fratri similior quàm patri.



*Iactabat quōdam Romanam Octavius urbem
Imperio effectam marmoream esse suo.
Tu contra torpore tuo iactabis, Honori,
Te devastandam protituisse Gothis.*

LXXXIII. THEODOSIVS IVNIOR.

QVINQVAGINTA quot vixit annos, totidem imperio etiam præfuit. Nam puerum admodum moriens Arcadius cum reliquerat sub tutela Isdigerdis Persarum regis: quod & bene cessit. Barbarus enim rex & tutelam summa fide gessit, & pacem cum Romanis, quoad vixit, habuit. Is verò Honorio defuncto, Valentinianum ex Cōstantio & Placidia natum, data Eudocia filia in uxorem, Romam peropportune misit: cū turbatæ res essent tyrannorum libidine, qui rem Romanam inuaseraut. Sub hoc tertia synodus contra Nestorium celebrata, Pulcheriæ sororis prudentia: nempe quoad illa est vsus imperator, bene res gesta. Hic uxorem Eudociam Leonis Atheniensis philosophi uxorem duxit: quæ præter egregiam formam, singularemque pudicitiam, etiam literis excelluit, absoluto eo libro, cui titulum Græci ὁμολογία faciunt. Hoc principe Venetiæ felicissimis auspiciis mediis in aquis habitare cœpere, cū Honorius adhuc viueret.



*Deses, iners, tantoq³ indignus culmine, solum
 Cesareos nomen contulit ad titulos.
 Interea felix, sub eo quod Principe, primùm
 Ceu pelago emerfit inclyta res Venetùm.*

LXXXIIII. VALENTINIANVS III.

ASSERI fortasse in pristinum statum sub hoc Principe res Romana potuit, si eius inceptis aut fortuna fauisset, aut imprudentia postea sua rem non afflisset. Nam recepta sub aduentum suum Italia, cum Genserico statim Vandilorum rege pacem sanxit, parte Africæ, ut videri voluit, contento: & aduersus Attilam Etij ductu, rem feliciter gessit. Inde Maximi arte, viri per ea tempora potentissimi, Etium interimi iussit. Vnde in ultionem ipse postea Romæ ab eius commilitonibus confossus periit. Hoc principe Occidentis imperium, Francis Gallias, Anglis & Scotis Britanniam occupantibus, Vandilis Africam, & ipsam Urbem populantibus, Hunnis Europam vexantibus, & Italiam, collapsum funditus est. Perit imperij & ætatis anno xxx.



*Omnia qui vastans ferro flammâq, flagellum
Attila se summi iactitat esse Dei,
Repressus nostris tandem est feliciter armis,
Sicq, flagellum ipsi fio flagellifero.*

Hic licet humili loco natus, militia tamen clarus, Pulcheriæ Theodosij sororis studio rebus præficitur, moderatus princeps, & rebus gerendis idoneus, si per senectam diutius viuere potuisset: nam pacem, quoad eius fieri potuit, coluit: illud saepe vsurpans, Dum in pace esse possumus, arma non induamus. Is Tatianum, Iuliumque fratres, qui olim aquilæ superuolantis eius caput auspicium retexerant, viaticoque ducentorum aureorum inopem, & ægrotantem adiuuerant, statim ut Princeps est dictus, alterum Illyrico, alterum Constantinopoli præfexit. Hoc principe Chalcedonensis quarta synodus celebrata aduersus Dioscorum, & Eutychen Leonis Pontificis Romani iussu. Imperauit annos sex.



*Me vel priuatū, pressum quoq, rebus in arctis,
 Nunquam, regni omen, deseruere aquile.
 Peruado tandem, & verum me praefero regem,
 Bellaq, solius pacis amore gero.*

LXXXVI. LEO AVVS, & LEONEPOS.

PRIMVS hic Græcanici vir sanguinis imperium tenuit, Asparis patricij factione adiutus. Cuius etiam filium Cæsarem cum inuitus creasset, postea cum Ardaburio fratre, ut insidiarum in se authores interfecit: Leonemque ex Ariadna filia, & Zenone filium successorem sibi esse voluit. Is aduersus Gensericum Vandilorum Regem Basiliscum ducem misit: qui, si Zonaram sequere, victus nauali prælio à Vandilis, aufugit, siue illud ignauia, siue proditio fuerit. Byzantium huius impetio magna ex parte conflagrauit, præterquam quod Italia in perpetuo motu fuit. Imperauit autem annos XVII. Pacis hic studiosus Princeps semper illud in ore promtum habebat, Quemadmodum sol cunctis quæ illustrat, nonnihil impertit caloris: sic Princeps debet eos sua dignari misericordia, quos conuictur. Leo autem iunior ab auo relictus, cum annum præfuiſſet, Zenoni patri manibus suis diadema imposuit, patremque pro se deinceps imperare iussit.



*Primus ego Græco obtinui de sanguine sceptrū:
 Nec piget Argolici Principis Æneadas.
 Ex æquo nempe ut Sol terrarū omnia lustrat.
 Inq̃ malos lenis, sum pius inq̃ probos.*

QUAM variè rebus Romanis illuserit fortuna vis, hic Zeno facile cum plerisque, qui explicandi restant Principes, probet. Vir obscurissimi sanguinis, & cum facie deformis, cum moribus planè tyrânicis, vt Isaurum agnoscas. Hic Theodoricum Ostrogothorum regem cum vnicè diligeret, in Italiam aduersus Odoacrem misit, Consulem prius à se factum. Pulsus verò à Basilisco factione vxoris, cum in Isauriam concessisset, non multo post reuersus, & Basiliscum expulit: quem & inedia mori cecidit, & annos xiii. Tyrannum veriùs quàm Principem egit. Sunt qui viuum adhuc inclusum ab vxore sepulchro tradant, frustra què respicientem, & opem quiritantem obuisse. Hoc principe incendium adeò graue fuit, vt præter maximam Urbis partem conflagram, centum & viginti librorum millia combusta sint: inter quæ & Homeri poëma intestino orationis exx. pedum aureis literis descriptum.

Hic Zeno Isauricus, qui in Italia regnavit, & Theodoricum Ostrogothum regem in Italiam misit, & Basiliscum expulit, & inedia mori cecidit, & annos xiii. Tyrannum veriùs quàm Principem egit. Sunt qui viuum adhuc inclusum ab vxore sepulchro tradant, frustra què respicientem, & opem quiritantem obuisse. Hoc principe incendium adeò graue fuit, vt præter maximam Urbis partem conflagram, centum & viginti librorum millia combusta sint: inter quæ & Homeri poëma intestino orationis exx. pedum aureis literis descriptum.



*Barbariem partim truculentis moribus ipse
 Inducis ; partim casus & accelerat.
 Multa exusta quidē te Principe millia librūm,
 Irato affirmant imperitasso Deo.*

LXXXVIII. FL. VAL. ANASTASIUS
DICOROS.

DICORVM hunc cognomento Græci ap-
pellarunt, à discoloribus videlicet oculo-
rum pupillis, quarum dextra nigricans, sinistra
cærulea fuerit: inter bonos principes utiq. mi-
referendus, tametsi ab humili loco ad imperium
euectus Ariadne Zenonis vxoris opera, nisi pe-
stea mutatus. Eutychiannæ hæresi adhæsit.
Vnde illi aduersus orthodoxos graue dissidium
conflatum. Bulgarorum arma tunc primùm ad-
dita, & Saraceni Alamandaro duce Syriæ græ-
ues incumbabant. Hic tyrannorum aliquot in-
ditione fatigatus, post octogesium & octauum
vitæ annum, imperij vigesimumseptimum, fu-
mine afflatus periit, vlciscente grauitè Numi
pietatem toties ab impuro principe violatam.



Evasisse putas iusti te Numinis iram,
 Extremo vita in limite decrepita.
 Invenit ille tamen moreris nam fulminis ictu,
 Et si iam senior, attamen ante diem.

LXXXIX. IUSTINVS THRAX.

QVIS credat Thracem hominem armentarium, & sues agentem, sine tribu, ignotis obscurisque parentibus ortum & rebus præfuisse, & rem tum feliciter, tum optimè administrasse? Rexit tamen ille summa cum laude, & pietatis studiosissimus veræ. Ioannem Romanum Pontificem ad se legatum venientem, Theodorico Gotthorū rege pro Arrianis, quo expulerat Iustinus, restituendis venetabundū excepit: & principatum dolo partum (quippe qui acceptam ab Amantio eūnūcho pecuniam ut militi pro Theocritiano præficiendo distribueret, in se suffragia verterit) magna virtute postea administravit: nono imperij anno Iustinianum ex sorore nepotem, cum adhuc viueret sibi successorem instituens: quo factō, non multo post obiit.



Qui primùm rexisse suos ; rexisse bouesq̃.
 Assuetus, rector nō malus idem hominū est.
 Nec viles ortus produciunt effera semper
 Pectora, nec contrā mitia nobilitas.

NEPOS Iustino ex sorore, cū annū quartum & XL. ageret, imperare cōpit: quod per annos vndequadraginta administrans. veterem Romani imperij gloriā mirum in modum ampliavit. Primū enim Persas Bellisarij opera intra suos fines continuit: inde eodem duce Romanā à Gothorum seruitute asseruit: Africā impetio pulsīs Vandilis restituit: Natsete duce Gothicū tandem nomen deleuit. Bis trīumphatū ex instituto veterum Romanorum de Persis, & Vandilis à Bellisario: Leges infinitis voluminibus antea dispersas in L. Digestorum libros contraxit. Institutionum libros quatuor edidit. Codicē inuulgauit. Maximus cettē princeps, nisi auaritiæ, & delirij Eutychiani reus fuisset. Serici vsus è Persis ad Græcos hoc tempore transit, iampridem desitus.

[Faint handwritten text, likely a library or ownership stamp, mostly illegible due to fading.]



*Cedant arma toga. poteram per bellica facta,
 Structuris poteram summū habuisse decus.
 Iuridici offuscat maiestas Corporis istac
 Omnia. tot laudes non bene fama capit.*

Hic æmulus Iustini, & vt filius à Iustinia-
no in regia semper habitus, facili admodum
ingenio, atque ad promerendam ex liberalitate
hominum gratiam nato primùm fuit. Cum Per-
sis pacem fecit, tributo, quod Romani annum
his expenderent, sublato. Pòst ex liberali aua-
rissimus euasit: simul & fidei Christianæ con-
temtor maximus, & Pelagianæ hæreseôs asser-
tor acerrimus. Langobardi Germanica gens à
Narsete indignato contra Sophiam in Italiam
hoc Principe erupere: quam ab Alboïno rege
ad Desiderium per 66. & 111. annos in princi-
patus diuisam tenere. Obiit graui pedum do-
lore anno x1. imperij.



*Virtutem vitii mutans, contraria utrinque
 Effecta actutum sentis inepte sequi.
 Qui lucratus eras mentesq; operasq; tuorum
 Munificus, subito perdis avaritia.*

XCII, TIBERIVS SECVNDVS.

TIBERIVS adoptatus à Iustino rem per septennium foris satis feliciter gessit : domi summa cum pietatis & liberalitatis opinione : quod si quemadmodum Persas grauibz afflixit præliis ; sic aduersus Langobardos felix fuisset, nihil illo principe fortunatius. Hic à Sophia rephensus quòd omnes thesauros in pauperes effunderet, respondit, Thesaurisate vobis thesauros in cœlo, & quæ sequuntur. Obiit Mauriciò genero successore declarato.



*Quàm tibi dissimiles sunt à cognomine mores
Principe, protector maximæ pauperiæ!
Congerit ille iterum turpi effundenda nepoti,
Tu largire iterum repperienda polo.*

CAPPADOCEM hominem virtus, & rei militaris scientia, partaque eius ductu de Persis insignis victoria, imperio facile imposuit: quod sub initia Persis victis, Scythis afflictis, Langobardis repressis, & Hunnis è patrio solo in solitudines pulsis, feliciter administravit. Mox avaritiæ studebat, cum frustra Focæ insidias, somnio etiam admonitus præcauisset, dum miles stipendio fraudatus seditiosius agit, ab eodem Foca imperio & vita priuatur: cum imperasset annis xx. vixisset tres & sexaginta: eius etiam omnis prosapia sublata est. Turcæ cum nomen tunc primum Asiæ auditum.



*Inter regalis tanta irritamina pompa,
 Multa in rege bono dissimulanda mala,
 Virtutum at nulle, Princeps nō prave, tuarum
 Eluerint maculam turpis auaritiæ.*

AD E O præcipites in malum homines agimur, vt Focas nec Mauritiij avaritia admonitus, adepto impetio per Mauritiij cadem ab hoc vitio temperarit. Quin longè studiosius colligendæ vndique pecuniæ incubuit, & omnia ex Persicæ seruitutis instituto egit. Hic Romanū Pontificem principem omnium declarauit. Cetera adeo focors, & ignauus & frequentibus adulteriis infamis: vt cum Romanum imperium vndiq. Barbari vastarent, staretque solum eius nominis vmbra, conspiratum sit in illum ab Heracleona, & Heraclio, & Prisco: qui captum inertissimum hominem prius interfecere, quàm ferre suppetias eius milites potuerint, omni stirpe principis impurissimi sublata.



Tam verò facile tu decessoris auari
 Immemor, ipsius idem prorsus in vitium?
 Sic tibi ceu patuit alieno crimine regnum,
 Huc aliis parili crimine pandis iter.

LABENTI iam pridem Imperio, & prae-
 quantibus Persarum armis, Syria cum ipsis
 Hierosolymis expugnata, Heraclius accepto
 diademate à Sergio Pontifice, primum omnium
 Persicum bellum parat: ad quos legatis antea
 missis pro induciis impetrandis contentum ab
 ab his habitus, adeò excanduit, ut differre am-
 plius rem non potuerit. Responderunt enim im-
 pij hostes, non prius se Romanis pacem datur-
 os, quàm CHRISTVM abnegasset imperator.
 Quare ingentibus copiis in Chosroem ductis,
 victis eius saepe ducibus, & cum omnibus copiis
 caesis: mox profligato Chosroë, Persidè què omni
 in ultionem nostram igni, ferro què vastata, li-
 gnum salutiferæ Crucis recepit. Celebris adhuc
 est Christianis dies festus, argumentum victoriæ
 insignis, pacis videlicet partæ, & Tigridis fluij
 inter vtrunquè imperium termini. Triumphat-
 um què egregiè cruce prælata. Imperavit Hera-
 clius annos xxxi. Nouo morbo genere perijt,
 virili membro semper ita disento, ut quoties
 meieret, lotium vultum aspergeret, nisi obiecta
 tabula id prohibuisset. Creditum est, hæreseos
 Monothelitarum, in quam inciderat, & nequi-
 tiæ supplicium luisse. Hoc tempore Saraceni
 Maomethe duce caput extulere.




*Cuncta triumphantum spectacula superba
trumphas*

*Victricem referens ad pia templa Crucem.
Perdidit hac Persam victorem, ut scilicet ante
Capta Philistaeos perdidit Arca duces.*

xcvi. CONSTANTINVS HERACLI.

Hic annum vnum cum imperasset, recte
 ac vera pietatis cultor, Martinæ noueræ
 insidiis, quæ Heracleonæ imperium astrueret,
 veneno tollitur. Illa verò cum Imperium male
 partum cum filio vix biennio tenuisset, à Senatu
 cum decenni filio expellitur, amputata prius
 matri lingua, filio naribus.



ad hunc locum pertinet
 et hunc locum
 et hunc locum
 et hunc locum
 et hunc locum



*In spes euectum frustra sedesque paternas
 Sustulit è medio dira nouerca dolis.
 Illa sed exsectâ paulo post improba lingua
 Patrati pœnas persoluit sceleris.*

XCVII. CONSTANS, & CONSTANTINVS
POGONATVS.

CONSTANS ex Gregoria & Constantino proximè relato proles rerum potitur, adnigente Senatu, qui Martinæ scelus execrabatur. Hunc cetera non improbares, si impietatem & auaritiam demeres. Saracenis classe congressus, victus aufugit: quibus paulò post dissidio laborantibus, biennij induciis impetratis Italiam petiit, vt eam à Langobardico iugo liberaret. Sed cum Romam venisset, victus à Lāgobardis acie, quicquid antiqui operis, signorūmve fuit, intra quintum diem inde sustulit: vt plus ornamentorum paucissimis diebus vrbi detraxerit, quàm Barbari per tot annos. Inde in Siciliam traiciens, cum sextum ibi annum ageret, & auarè, & crudeliter tributum exigeret, dolo suorum interficitur, postquàm annos x i i: ac xx. imperasset. Meliore orbis fato Constantinus imperium excepit, qui maximus natu relictus à patre Byzantijs, vt imperium administraret, audita eius morte, in Siciliam venit: vltusque Mizzium tyrannum, & cædis paternæ conscios, bellum aduersus Saracenos septem annos, terra, marique feliciter gessit. Imperauit annum septimumdecimum, Iustiniano filio hærede, cum fratribus minoribus nares amputasset. Pogonatus appellatus, quòd imberbis in Siciliam profectus, barbatus redisset.



*Hinc Arabum attriuit, hinc vis Longbardica
patrem,*

Insuper & propriis dedecorem vitiis.

*Filius at melior, patris haud inglorius ultor,
Hinc Longobardos atterit, hinc Arabas.*

VLTIMVS Heraclianæ stirpis Iustinianus Imperio præfuit, pravi vit ingenij, & varij, atque à fide recta abhorrentis. Siquidem synodum aduersus sextam à patre celebratam indixit, bonis omnibus aduersantibus, & in primis Romano Pontifice, quem comprehendi mandauit. Bellum aduersus Arabas, & Bulgaros contra fœdera motum, vtrumque calamitosissimum gessit. Quare & crudelitate etiam in suos inuiolior factus, Leontij Patricij, & Callinici Patriarchæ dolo deturbatur imperio, atque Chersonam relegatur, nate prius abscissa. Vnde mox fugiens & ad Trebellium Bulgarorû regem fuga lapsus, eius opera restituitur: Tiberio, qui Leontio successerat fugato, & Callinico Patriarcha luminibus priuato. Illud scruitæ hominis argumētum traditur, quòd quoties truncas nares emungeret, toties vnum ex iis, qui Leontio fauerant, ad supplicium rapi iubebat. Sexto demum & decimo anno à Philippico pulsus, quem reclamante Constantino Pontifice, acrius insectabatur (venerat autem ad illum Romanus Antistes accersitus, & ab Imperatore honorificentissimè exceptus) vitam & Imperium pariter amisit, sexto anno post exilium, cum decem ante præfuisset.



Moribus ut vaser & varius, sic Caesar & exsul
 Fortunam expertus omnimodo es variam.
 Tum verum esse doces, Regnare hunc sanguine
 multo.
 Ad regnum redeat quisquis ab exilio.


OCTVAGINTA & septem annos ab Heraclio ad Iustinianum in vna gente imperatum, quod nescio an vlli priorum contigerit, cum Leontius Iustiniano relegato, Imperium sibi vindicauit: qui classe aduersus Arabas Africam occupantes ingenti parata, cum infecta re rediret, Imperio expellitur, postquam treis tantum annos rerum potitus esset. Hunc ergo Tiberius captum (sic enim quam Absimarum dici voluit) adepto imperio, naribus truncatum custodiri iussit.




*Electus qui collapsam bene restituas rem,
Impar tam magno proderis esse oneri.
Nempe illam quia passus iners collabier ultra,
Ipsus Casareo laberis è solio.*

C. TIBERIVS ABSIMARVS.

HUNC classis in Creta Imperatorem dixit,
qui Heracium fratrem statim aduersus A-
rabas omnia vastantes cum misisset, eius forti
opera haftenus repressit, ut à nostris abstinerent.
Inde Philippicum nobilitatis præcipua Cherso-
nam relegauit, quòd aquila caput obumbrasse
videbatur dormienti. Ceterum septimo post
anno cum Leontio captus, à Iustiniano interfi-
citur.




...the ... collecting ...
...
...
...



Nec tibi sunt Tiberi rerum commissa gubernare
 Vel meliore tua sorte, vel Imperij.
 Quin verò hac à te pulso solamina prestat,
 Et simul & simili te quoque morte mori.

NVN QVAM maior Principum impietas,
 maiorve quod gravius doceas, socordia.
 Quippe hic adeptus Imperium, sextæ synodi de-
 creta altera synodo infirmare contendit: grati-
 ficaturus monachis, qui imperaturum illum
 prædixerat, hoc prædictionis præmium petenti.
 Quare cum loquentiæ multum huic inesset, sa-
 pientiæ parum, opesq. Imperij iam pridem con-
 gestas dissiparet, passus etiam Bulgaros Thra-
 ciam populari, priuatus oculis in ordinem redi-
 gitur, anno vno, & mens. vi. vix expletis.




Handwritten text in a cursive script, likely a library inventory or a note related to the stamp above. The text is mostly illegible due to fading and the style of the script.



*Dissidiis promptus in religione serendis,
 Curam nutantis negligis Imperij. (dis,
 Dumq³ adeò Synodos, Patrū & decreta rescin-
 Tbreiciis victor Bulgarus instat agris.*

CII. ANASTASIUS ARTEMIVS.

Hic adeptus Imperium, cum optimè qua-
 ad pietatem rectam attinent, instituisset
 ex Pontificum assensu, classem ingentem aduer-
 sus Arabas in Alexandriam emisit. Verùm clas-
 siatis quibusdam contumaciùs agentibus, qui
 illum oderant, domum reuersi, Theodosium,
 ignobilem alioqui virum, Imperio præficiunt:
 captaque Constantinopoli, monasterio Anasta-
 sium includunt, cum annum vnum, menses tres
 imperasset.



[Faint, illegible text, likely a transcription or a very faded stamp.]




*Quòd iam conspiceret valida strata aquora
classe,*

*Horrebat nostras gens Saracena minas.
Verùm ipsas, qui mox hostē exturbare parabā,
Exturbor, meritis nil minus aut metuens.*

CIII. THEODOSIUS ADAMITENVS.

OBSERVOLICET loco natus, non pœnitendum Imperatorem egisset, si diutius illi per Leonem & Cononem Orientis præfectos imperare licuisset. Verum cum Leonem exercitus Imperatorem dixisset, pertasus belli civilis Theodosius cessit Imperio, monasticamque vitam amplexus, satis diu ac felix in ea vixit, cum annos 11. imperasset.



[Faint, illegible text, likely bleed-through from the reverse side of the page.]



*Succedo, nec diu quoq; regnaturus: at illud
Nescio dissimili sorte sit, an simili.
Namque inuitus ego, ille volens, ad sceptrum vo-
camur:
Ille inuitus, ego si volens monachus.*

CIV. LEO ISAVRVS, sine CONON.

OBSCVRITATEM generis (quippe qui apud Isauros natus exercuerat sedetariam) cum aliis sceletibus, tū verò impietate in Deum ac eius imagines facile Leo æquauit, vnde illi cognomen *ἰσλαυρὸς*, & *θεομάχης* Græcis, quarum perdendi tantus hominem ardor inuaserat, vt Iudæis duobus gratificaretur, qui illum tantò antè imperaturum prædixerant: vt & Constantinopolitanum pontificem, Germanum nomine, aduersantem, sede extruserit, & Romanum antistitem obfistētem comprehendī iusserit. Saraceni certè ducibus Masgaldā, & Solymano Constantinopolim triennali obsidione, terra, mariquē fatigarunt. Verū pestē, famequē confecti, à Bulgaris etiam sæpe victi, classe magna ex parte igne sub aquis ardenti consumpta, paucissimis ex tanto naufragio seruatis, manifestam iam se numinis iram sensere. Nec minori interim clade in vrbe scuitum, trecenta & amplius ciuium millia pestē, famequē consumpta. Inde Sici-liam Sergij præfecti opera rebellantem, ad officiū retraxit. Circa finem imperij, quod quartum & vigesimum durauit annum, graui terræmotu Bithynia, Thraciaquē concussa, muriquē Byzātij magna ex parte collapsi, quam rem ille ad priuatum quæstum retulit, tributo ad restituendos muros imposito, vt in singula numismata quatuor & viginti obolos ærario principis inferrent, quod postea in multas ætates abiit. Hoc Principe Romani pontifices ad Francos primū respexere.



Trux genere & factis, infelix casibus ipsis,
Diu tamen augusto praesidet Imperio.
Ergo ludibrio exposuit fortuna tot annos,
Cum decus id decori haud talibus esse queat.


C V. CONSTANTINVS COPRONYMOS.

IMPIO patri scelestissima successit proles Con-
stantinus cognomento Copronymi, quòd in-
fans baptismi lauacro admotus, mediis sacris
alimonix excrementa aquam polluerat. Is non
solum patris impietatem in abolendis diuorum
imaginibus reddidit, verum etiam grauiore sce-
lere reliquias eorum aut contempsit, aut com-
bussit: quam in numina impietatem immanitas
hominis inuisiorem fecerit, dum nobilissimum
quenque tollendum è medio curat. Antistites
certè Constantinopolitanos vnum & alterum
ignominiosè prius habitos, & grauitè ad hæc
excruciatos, capite plexit. Hic Bulgaricum va-
riante fortuna bellum terra marique gessit. Ar-
tabas dum primæ nobilitatis hominem Impera-
torem ab orthodoxis creatum, post biennium à
se captum, oculorum vsu cum liberis priuat.
Grauissimam hyemem, vti Pontus, Bosphorusq.
ipse Thracius perglaciauerit, expertus, post infi-
nita flagitia exquisitissimo cruciatu consumtus
obiit imperij, anno xxxiii. duobus mensibus
minus.



Hoc bene. non fallēs. esto fœdūsque ferūsque,
 Iam tum monstraſti ſic fore namque puer.
 Nempe habeat quoq; ſtercoreū reſpublica regē,
 Qui baptiſmi infans ſtercore fœdat aquas.

NON Imperij solùm, sed paterni sceleris heres, aduersante matre, Bulgarici sanguinis pientissima, successit Leo, qui ad impietatem, sacrilegium etiam addiderit. Nam coronam à Mauricio Principe Deo dicatam, nefario capiti imponens, captus gemmarum & auri splendore, breui pœnas luit: caput enim impium carbunculi apottemate statim intumuit: tandem ardentissima febris subsecuta, impium spiritum nefarius exhalauit, imperij anno vno.





*Nomen aui referens, tum mores patris auique,
 Non me praesto malo degenerem generi:
 Tempia Dei, & sacras spoliare paratior aras,
 Quàm depellendis hostibus Imperio.*

CVII. CONSTANTINVS & IRENE.

REDDITVS tandem his Principibus veteri religioni suus nitor, reddita vetus pietas Irenes matris opera : quæ Attici sanguinis, forma insignis, sed probitatis opinione insignior, Leoni nupserat. Quare conuentu trecentorum & L. patrum Nicææ indicto, quæ septima synodus habetur, templis, diuisq. suæ restitutæ sunt imagines. Nec multò post tamen Constantinus iam adultus matrem haud amplius passus, Imperio deiecit, eiectam in ordinem redigit, Nicephorum imperatorij & ipsam stemmatis, in quæ suffragia multorum tacitè inclinabant, oculorum & linguæ vsu priuat. Et ne quid sceleris deesset, Maria vxore monasterio obtrusa, Theodoram concubinam inducit matris consilio, vt filium inuisum omnibus faceret: Vnde mox rerum sola posita, filium in potestatem redactum excæcat, eadem die qua sexto antè anno Nicephorum ille eodem supplicio affecerat : ipsa quæ non multò post à Nicephoro pulsa, in Lesbum insulam relegatur. Huius imperio, quod fuit cum filio annorum x. Carolus à Leone Romano pontifice Imperij corona donatur, virtutis & pietatis ergò.



*Dum male cōcordes regnū lacerantq; trahuntq;
 Filius hinc secors, inde animosa parens;
 Interea fessa lux & spes altera Roma
 Partibus affulges Carole ab Occiduis.*

ELENCHVS
IMPERATORVM ROM.
*qui post translationem Imperij in
Occidente regnarunt.*

CAROLVS MAGNVS,
LVDOWICVS PIVS,
LOTARIVS,
LVDOWICVS II.
LOTARIVS II.
CAROLVS CALVVS, II.
LVDOWICVS BALBVS, III.
CAROLVS CRASSVS, III.
ARNOLPHVS,
LVDOWICVS, IV.
CONRADVS,
HENRICVS,
OTHO II.
OTHO III.
OTHO IV.
HENRICVS CLAVDIVS, II.
CONRADVS II.
HENRICVS NERO, III.
HENRICVS IV.
RVDOLPHVS
HENRICVS V.

LOTARIVS III.
 CONRADVS III.
 FREDERICVS BARBAROSSA
 HENRICVS VI.
 PHILIPPVS III.
 OTHO V.
 FREDERICVS II.
 RVDOLPHVS II.
 ADOLPHVS
 ALBERTVS
 HENRICVS VIII.
 FREDERICVS III.
 LVDOWICVS V.
 CAROLVS IV.
 WENCESLAVS
 RVPERTVS
 SIGISMVNDVS
 ALBERTVS II.
 FREDERICVS IV.
 MAXIMILIANVS
 CAROLVS V.
 FERDINANDVS
 MAXIMILIANVS II.
 RVDOLPHVS III.

ELENCHVS
IMPERATORVM
*Qui post translationem Imperij in
Oriente regnarunt.*

NICEPHORVS.
STAVRACIVS.
MICHAEL CYROPALATES RANGABE
LEO ARMENIVS.
MICHAEL BALEVS.
THEOPHILVS.
MICHAEL THEOPHILI.
BASILIUS MACEDO.
LEO BASILIS PHILOSOPHVS
ALEXANDER BASILII.
CONSTANTINVS LEONIS.
ROMANVS LECAPENVVS.
ROMANVS IVNIOR.
NICEPHORVS PHOCAS.
IOANNES ZIMISCES.
BASILIUS.
CONSTANTINVS.
ROMANVS ARGYROPYEVS.
MICHAEL PAPHLAGO.
MICHAEL CALATHATES.
ZOE.


THEODORA.
CONSTANTINVS MONOMACHVS.
MICHAEL SENIOR.
ISAACIVS COMNENVS.
CONSTANTINVS DVCAS.
EVDOCIA & FILII.
ROMANVS DIOGENES.
MICHAEL PARABINACIVS.
NICEPHORVS BOTANIATES
ALEXIVS COMNENVS.
IOANNES CALOIANES,
MANVEL.
ALEXIVS.
ANDRONICVS COMNENVS.
ISAACIVS ANGELVS.
ALEXIVS FRATRICIDA.
ALEXIVS ISAACII.
BALDVINVS FLANDER.
HENRICVS.
PETRVS ANTISIODORENSIS
ROBERTVS.
BALDVINVS.
MICHAEL PALÆOLOGVS.
ANDRONICVS.
MICHAEL.

ANDRONICVS IVNIOR.
IOANNES PALÆOLOGVS
IOANNES CANTACVZENVS
MANVEL
IOANNES
CONSTANTINVS.


FINIS.














STC Dutch 177

135-

4-08

112 ll

cpl.

6f7

107 woodcut
medallion
portraits

